

四庫全書

史部

欽定四庫全書

史部

福建通志卷四十五

詳校官監察御史臣陳化龍

檢討臣德生覆勘

總校官檢討臣何思鈞

校對官中書臣朱圻

謄錄監生臣趙廷祺

欽定四庫全書

福建通志卷四十五

人物三

泉州府

唐

歐陽詹

字行周晉江人建中貞元間以文詞崛起既闕

江淮達於京師貞元八年陸贄知貢舉搜羅天下文章號為龍虎榜所得士若韓愈李觀李羣崔羣王淮馮宿庾承宣皆一時之選而詹與馬授四門助教年四十餘矣詹性至孝與同邑王式讀書莆陽五載莆

陽去家四百餘里晨昏之思起便奔馳慰奉不憚往還韓愈為徐州從事朝正京師詹將率其徒伏闕下舉愈為博士未幾卒愈為作哀

辭稱其孝行著有文集十卷

歐陽矩

字降之詹從子開成三年進士吳人陸滂以拾遺棄官後召司勳郎中既至無所建明矩遺書

讓之其言切直人擬之爭臣論滂遂棄官矩名益聞會澤路劉從諫表矩幕府從諫子頑拒命矩方乞假頑表指斥時政或言矩所為詔流崖州州人皆憐之

宋

劉昌言

字禹謨南安人陳洪進擢為功曹參軍掌賤秦力勸洪進歸宋太平興國八年舉進士第二人

太宗遣中使引登便殿謂曰卿復來應舉耶昌言對曰陛下以文明治天下臣遭千載之遇再獻薄技耳

上紀聖德詩五十韻太宗嘗謂昌言曰卿忠孝兩全東南一奇士也累遷同知樞密院事出知襄州後官至工部侍郎七世孫用行嘉定進士歷零陵巴陵令俱有聲詩文典麗有北山漫遊十卷雜稿二十卷

曾會

字宗元晉江人端拱二年進士與蜀人陳堯叟並有俊譽太宗覽二人文詞藻敏給釋褐並授光祿

寺丞直史館祥符末由三司判官出為兩浙轉運使丁謂建錢塘捍江之役發卒萬餘傾蕩山谷中外無敢言者會奏列其狀有旨中罷凡出入四十五年歷典七郡子公度公亮公度祥符八年進士

陳從易

字簡夫晉江人端拱二年進士初調彭州軍事推官王均盜據成都陷綿漢諸郡彭人謀殺都監以

應從易攝州事擒誅首惡戒將吏嚴守備積薪舍後戒家僅曰守不支薪焚我矣賊聞有備去名為秘書省著作佐郎遷監察御史召對便殿命賦瑞雪援筆立就真宗嘉頌直史閣尋知廣州賜璽書褒美後仁宗擢知制誥飛白書

清字賜之除龍圖閣直學士先是宰相寇非惡從易疎已除從易吉州及寇準貶道州丁謂語從易曰廬陵之事可以釋憾矣對曰當以故相之禮待之謂有愧色其志行多類此所著有泉山集中書制稿西清奏議

陳綱

字舉正同安人淳化三年進士為建州觀察推官故事歲春夏率丁夫數萬採茶綱入奏請以北苑

茶供御餘皆賦民收其租入在民者官復定其直償之則民不困而國亦利詔如其請建民德之

蘓紳

字儀父同安人天禧三年進士歷官大理丞上十議進直史館為開封推官因星變上疏極言時事

安化蠻寇宜州紳言今日之患由往者守將失計而國家姑息太過今宜扼其出路俾進無抄掠之獲然後盛兵搗巢諭以送款且詔旁近諸蠻毋得相為聲援不出一年逆寇必就殄滅朝廷用其策蠻遂平又陳便宜八事曰重爵賞慎選擇明薦舉異章服適才宜擇將帥辨忠邪修像備帝嘉納之進史館修撰改

龍圖閣直學士出知揚州尋又改
集賢修撰知河陽徙河中未行卒

曾公亮

字明仲會次子少客京邸有客泣隣舍甚悲公
亮問故客歎歔曰適負錢鬻女於商問其直曰

四十萬公亮如數與之主人擇日送女而公亮已解
纜三日矣天聖二年成進士知會稽縣鏡湖水溢病

田為立陡門泄之田獲利後改為諸王府侍講獻所
為文拜集賢殿大學士公亮明習朝廷臺閣典籍首

相韓琦每咨詢焉仁宗末年與琦定建儲之議又條
六事以獻皆當時所急而便於施行者神宗時累封

魯國公拜河陽三城節度使先是慶卒叛既伏誅而
餘黨未平長安聲言營卒怨望將以元夕結外兵為

亂公亮張燈與賓佐驩會竟夕卒無他變子孝寬
孝純裔孫恬槩懷從子孝蘊孝序從孫誕俱有聲

趙誠

字希平晉江人天聖五年進士通判撫州州有疑
獄守刻深趣誠判決誠知翌日有赦故延獻實黎

明赦果至獲免者多知歸州州有淫祠曰巴王歲夕殺人以祭誠毀祠投像於江州東三十里有新灘前後溺舟不可計屢議疏鑿旁灘以游言不果誠條奏利害結廬視役既成人號曰趙江即其廬祀焉入為

三司戶部判官
出知明州卒

林杞

字卿材南安人天聖五年進士歷知康雅潯泰四州在泰州修築海埭復良田數千頃課最為淮南

第一潯州圭田歲入之外例輸鰲六百杞曰田植五穀絹從何出耶卻不受以光祿卿乞致仕年九十卒姪景淵崇寧進士知惠州有聲

蘇緘

字宣甫紳從弟實元五年進士初授南海簿調陽武尉有劇賊李某州縣莫能捕緘率衆入其巢縱

火迫之賊從中逸緘馳馬斬之遷祕書丞知英州儂智高圍廣州緘募士數千人赴援廣人黃師宓為賊

謀主緘擒斬其父復捕不逞者六十餘人釋無辜者
六千人使復業賊勢阻將解去緘分兵扼其歸路大
破之事聞仁宗語執政曰南事淹時戰將未聞成效
蘇緘儒生奮勇乃爾擢為供備庫副使後知邕州交
寇陷欽廉乘勢迫邕閩州兵僅二千八百民驚震四
出緘悉出官帑及私藏示之曰賊已薄城宜固守以
遲外援若一人舉足則衆心搖矣敢越俟則孥戮汝
由是上下宵息緘晝夜令士卒發神臂弓射賊所殪
甚衆城被圍四十二日賊計窮將引去或教賊囊土
傅城高數丈賊蜂擁而登城遂陷緘猶領傷卒馳驅
戰愈厲而力不敵乃曰吾義不死賊手亟還州治殺
其家三十六人藏於坎乃縱火自焚寇至求屍不獲
神宗聞緘死嗟悼至晡時方進膳歎曰可惜蘇緘近
世忠義之臣罕見其匹贈奉國軍節度使謚忠勇邕
人祀之元祐
中賜額懷忠

呂夏卿

字晦叔晉江人慶歷二年進士館閣聯章薦為編修仁宗時陳時務五事見採用英宗時論西

北二邊事宜詞極切初歐陽修宋祁典領唐史十七年書始成時同預選者皆遷徙不常惟夏卿與范鎮自發凡至於終事會議修仁宗英宗正史朝論皆屬夏卿後以積勞致疾乞閒職出知潁州卒子科撰唐史音義進呈詔付秘閣仕至建雄軍僉判

蘓頌

字子容紳之子慶歷二年進士知江寧調南京留守推官歐陽修委以政曰子容處事精密一經閱

覽修可無省矣時杜衍老居睢陽見頌曰如君真所謂不得而親疎者皇祐五年召試館閣校勘同知太常禮院議立郭皇后神宗御殿事曾公亮嘆服之遷集賢校理擢知制誥時王安石用事出知婺州沂桐廬江水暴迅舟橫欲覆母在舟中幾溺頌哀號祈顙舟忽自正毋甫及岸舟即覆人以為純孝所感未幾

知河陽改知滄州元祐初遷吏部尚書兼侍讀奏謂人主聰明不可偏有所向每進讀至弭兵息民必援引古今以動人主既又請別製渾儀因命頒提舉又出知揚州徙河南辭不行徽宗立進太子太保累爵

趙郡公卒
年八十二

石康

字聲叔同安人皇祐元年進士累遷大理王安石奇其文薦之以議新法不合遷審官院旋外補歷

湖南提點刑獄廣西轉運判官子元教泉州長史

柯述

字仲常南安人父慶文屯田員外郎述與弟述迪嘗贊文蔡襄襄奇之述嘉祐四年進士初尉贛縣

改知歸安修水田蓄洩之利移知襄邑盜悉奔他境神宗聞之召對便殿書其姓名于屏擢知懷州元祐元符中兩知福州州學自景德中建每試士即學廟中為試院生員造廵邸宿於外先聖釋奠反移他所

連擇州治東南公廨及廢地為院構室百二十區士人便之嘗倅漳賑饑有惠政有二異鵲來巢廳棟秩滿移居鵲亦隨之蘇軾為詩以記其異述通百家尤精於易著否泰十有八卦以明君子小人之義晚狗邠人之志還州庠於舊址士祀之學宮子陽福建漕使從子知彰紹興進士為海豐令浚靈溪溉田民懷之

莊公岳

惠安人嘉祐四年進士授秘書丞終吏部侍郎元祐初上疏極陳時事願書褒答有顧惟忠盡

深所嘆
嘉之語

石旦

字彥明廣從弟嘉祐八年進士累遷司農幹當公事熙寧中淮浙江東飢從司農卿張諤賑濟所過

發官庫置場給散人募收遺棄小兒所全活百餘萬有司劾其不循常法與諤俱罷旦曰使事有職將以

施實惠於民也若以法繩之敢逃罪乎
嘗編漢書名臣奏議五十卷文集十卷

劉達

字公達元豐八年進士調越州觀察推官累官同知樞密院事中書侍郎崇寧五年徽宗以星變避

殿減膳達請碎元祐黨人碑寬上書黨籍之禁帝從之夜半遣黃門至朝堂毀石刻達與趙挺之同心輔政凡京所作悖理虐民事稍稍澄正進用元祐黨人後京黨復申紹述之說鄭居中復從中排擠帝遂疑達擅政出知亳州京復相再謫鎮江節度副使京罷起知杭州召至都卒贈光祿大夫

王公濟

字經國晉江人年十八登元祐六年進士歷知瑞安縣方臘攻浙東諸邑趨縣境欲遂窺閩中

公濟募士練兵與尉梁公範躬擐甲胄九十餘日賊不進後悉衆來攻公濟張大旗陣中曰福建路槍杖手槍杖手福建義勇兵也賊望見以鬩援至即引退賊平有司上其功官一子卒瑞安人廟祀之

張讀

字聖行安溪人以上舍生擢紹聖四年第歷知興化軍靖康初士卒驕恣一日誰趨庭下索額外給

賜讀正色叱之梟其渠魁一郡肅然建炎初奉祠家居杜門却掃所交皆天下士與陳瑩中友善為趙抃范崇禮所獎重後與李鷹兄弟為蘓轍客轍作兄軾墓銘以示讀讀曰斯文妙盡東坡生平恐讐人復藉此媒孽不若刮磨之為愈使東坡無此銘萬世之下其不知有東坡乎晚年徙晉江與李邴尤厚善屬文閩中碑碣多出其手貲入即分親故之貧者其卒也邴以詩哭之有累日塵生甑經年肘見衿之句

蘓伯材

字廷構晉江人紹聖四年進士知潮陽有富民殺女姪吏為致黃金三十斤求母入狀伯材立

械治之籍金于官事連縣佐眾為請伯材曰國法也悉案治之部使以聞特詔褒異擢知韶州時憲司吏誣執翁源民為盜以俸賞因貽縣官梁格就獄殺之伯材疏論格坐黥配吏伏辜著有周易解義三十卷

從兄珍玠珍子
松俱登進士

傅惟肖

字應求南安人紹聖四年進士知清江縣歲歉發賑飢民攘雜尉希賞欲以盜論惟肖曰迹則

似矣顧未嘗聚衆操兵奈何
坐以重辟由是保全甚衆

王炳

字景文南安人紹聖四年進士娶呂惠卿猶子避
呂十年不調後為沐陽令秩滿入都時蔡京當國

以炳與惠卿連姻囑使往見復不往左授
海陵丞歸呂蔡敗炳獨得全歷知汀州卒

呂諒卿

南安人父琦景祐進士歷守潮懷二州皆有善
政諒卿與惠卿升卿為兄弟元符中為溫州軍

事推官上書詆紹述新法之非崇寧元年編類元符
章疏姓名諒卿以邪等尤甚入黨籍編管亳州紹興

二年贈宣教
郎官其家

江常

字少明晉江人崇寧五年進士累官給事中帥福州建州賊逼州城常登陴呼其酋諭以禍福賊羅

拜城下遁去靖康中州卒驕橫謹趙牙門常跡其尤黠者治之士始識紀律尋奉祠歸歲饑倒廩以賑父

喪廬墓有外制十

卷文集二十卷

溫革

字叔皮惠安人政和五年進士紹興初以秘書郎被命使河南修陵寢歸奏以實辭甚憤激高宗為

泣下秦檜聞而惡之出守延平後守漳州以治最稱終福建轉運使

吳達老

字信遇惠安人政和五年進士丞建昌日朝廷更釐法達老堅執不行尋去官後知惠州大興

學校延師造士執經者至數百人有子七人兩遇郊祀恩先薦弟迪老達老其弟以兄多子未霑命為辭達老曰一官不足為弟榮聊以慰母心耳母年八十餘三請侍養改知潮州卒於官

陳孝則

字永仲從易孫宣和三年進士調東莞尉改判潮州納苗賦令民自槩量知英州奏罷涵口稅

場人便之除廣南東路提點刑獄有盜賂守獄者逸去誣繫他舶商孝則驗其冤釋之闕所居室名曰清

其歿也王十朋以詩哭之有心勞撫

字陽司業獄喜平反雋不疑之句

徐光實

字德充晉江人從兄瞻政和進士歷判廣州與泰檜不合不得調光實登建炎二年進士知海

鹽縣歲晚放囚歸吏白恐亡去為累曰我以誠遣彼必不偽應囚感激如期皆至徒連州一介不取曰吾

已有以娛吾親

也卒年六十二

張巽

字子文惠安人父富知臨江軍嘗與張栻共學遣子巽從之是時朱熹之學盛行于泉號清源別派

惠安有劉鏡者稱為高弟巽從之遊未能釋然曰恐晦菴之教不止是也乃走武夷謁晦菴以所與張栻

講論中和之旨告之曰此某與南軒晚年畫一功夫
臨別又請教晦菴曰南軒記藏麓某記石鼓合而觀
之知所用力矣異退而喜曰吾固謂不止是也既歸
日從事于涵養體察久益明淨人或勸其著述對曰
於所聞所知尚未能加意安敢妄作有
草堂在錦溪之上學者稱爲錦溪先生

楊世永

晉江人紹興五年以特奏名爲端溪尉冠駱科
犯郡世永貫褚鎧佩兩刀跨羸馬獨出伍長呼

其徒曰汝輩不可負官人咸相率以從行二舍許遇
賊戰死兵皆號哭死戰無生還者詔褒其義勇加承
務郎官一子真德秀
書義烈二字表其墓

林杆

字廷植晉江人紹興十八年進士調歸善尉轉肇
慶教授授帥林孝澤杆故人也持節行部不入官舍

而館于肇慶學舍守歲以下謂帥親杆具來通牒求
薦杆攜牘語孝澤曰公宜他徙毋重困我孝澤啓牘

曰他具無論守汝上官吾當薦之守聞持金詣杆謝杆驚曰何使君待我薄也杆居里故人為市舶屬來訪見杆一室蕭然惟案上圖書數軸從容謂曰仙居海濱豈可無妻諭者杆曰此言何為至我遂不復謝

謁官終南思
州簽判卒

柯宋英

字子飛晉江人紹興二十四年進士教授四明守王十朋贈以詩有不於一介將行李慨為孤

甥罄索金之句尋知梅州任滿獄無死囚以德行聞人思之與韓愈並祠于學

諸葛廷瑞

字麟之南安人紹興二十七年進士調龍溪尉改知崇安以政績聞擢起居舍人光宗嗣

位首進司馬光仁明武之說時潛邸舊僚有因干政黜外者廷瑞懼其復入援李絳吐突承瓘事以進詞意顛切人以為難金人有大喪命廷瑞充弔祭使至金境金使以弔喪三節人紅鞋黑帶為非禮請易之

廷瑞不為勳金不能奪為之加禮使還命兼權吏部侍郎進起居郎疏言兩淮蕩穰不固法禁不嚴乞詔侍從臺諫各舉所知可為沿邊監司郡守者以待選用前後所上章奏皆見嘉納子直清官至奉直大夫判廣州有聲名

楊夢齡

字子壽世永子以父廕讓兄登紹興二十七年進士調瑞安丞攝縣事歲疫聚病者千餘捐俸

資為藥粥日一察視又開復塞河數百里復宰藉以冒賞終不言調知平陽屬河下流歸海斗門頽壞水溢洩為患捐錢五十萬首其事秩滿當路交薦欲處以六察卒於旅舍邑人聞之罷市裒金入都護喪歸父邨寓泉州因家晉江初仕福建漕幕不忍去父李縝母左右丁内外艱服除不復萌仕進念結廬號萬如居士常曰與其有求于世曷若無欲于已後遷通判福州請奉祠歸有文集十卷弟綸提舉廣東常平

日適伯氏出守恩平酌於江濱弟兄相勵以清白傳家綸慷慨言曰倘負斯言有如此水遂投杯于江時江流洶洶杯傳不沒者久之觀者無不驚嘆民歌之曰石門之水清且清良吏一較千古榮爭如李公投杯盟江流洶洶杯傳傳至今刻

石與吳隱之酌貪泉詩對峙

李訖

字誠之郿之孫歷知袁州蓄米二萬石以備凶儉遷大理卿脩斷獄例遂著為令權戶部侍郎乞正

鄧友龍蕪師旦罪以示天下除集英殿修撰知靖江府廣右多官歿家流落者訖積錢置局周其歸改知建寧甯官道百二十里以避灘梗乞奉祠卒朱熹為銘其墓

梁克家

字叔子晉江人紹興三十年進士第一人為秘書省正字時災異詔求言遂條六事遷起居舍

人使金金以中朝進士第一敬待之即館宴射數十發皆中的金人來賀慶會節克家請金使入朝由南

門百官由北門從者毋輒至殿門外以肅朝儀詔定
為令郊祀雷震復條六事帝嘉納焉拜端明殿學士
在政府日與虞允文可否相濟不苟為同允文主恢
復朝臣多迎合者克家露諫不合力乞去帝曰兵終
不可用乎對曰用兵以財用為先用不足何以集事
詰朝承面諭曰朕終夜思卿言至當拜右丞相張說
入樞府謀中傷士大夫不附已者克家悉力調護善
類賴之尋丁內艱服闋起知福州在鎮有治績復拜
右丞相封儀國公進封鄭國公逾月而疾命以內祠
燕侍讀賜第所在存問不絕明年疾愈入謝御製詩
賜之有真儒良臣之褒尋卒于書遺奏孝宗為之垂
涕贈少師謚文靖為文渾厚自成一家著有三山志
許升 同安人從朱熹遊最早熹語錄載其問答之語居
多同邑王力行亦遊熹門著有朱氏傳授支派圖
傳自得 字安道其先濟源人以父察使金見殺從母居
泉之晉江因父死事補承務郎為福建路提點

刑獄司幹辦公事使者李公懋性剛介好面折僚吏獨屈意待自得委以訟牒復判漳州太守劉才邵見其處事精明馭吏嚴整而文詞敏妙嘆服之時山獠跳踉太守與統兵陳敏不相能餉或不繼軍興變自得調羹其間移書轉運判官得錢二萬緡以贍其軍敏及軍士皆感泣思奮羣盜以平是時資序已應典州有希秦檜意陰中之者復得興化軍以歸後以體究趙令諱在泉納賄事奪官徙融州為民孝宗登極復故官以陳俊卿薦再除知興化軍會丁母憂辭自得性至孝以奉母故仕宦未嘗出閩中服闋除知漳州歷福建路轉運副使後改除浙東提點刑獄公事復乞祠主管冲祐觀秩滿除知寧國尋罷歸自得少為李邴所奇妻以女從學為文得其指授有至樂齋大集三十卷張浚葉夢得汪藻朱熹得其文皆愛重之

曾植

晉江人太學上舍生孝宗登極對言用人之道不當以南北文武二具心又不當以腐儒之故廢棄

真儒尋出知南劍州陞辭泰言三事以漢恭顯唐訓注為戒上大悅知湖州未赴卒

傅伯成

字景初自得子早執經朱熹之門隆興元年與凡伯壽同登進士慶元初為太府丞進言呂祖

倫不當以上書貶朱熹不當目以偽學又言朋黨之弊起于人主好惡之偏與權臣意不合出知漳州律已愛民悉遵行朱熹遺意遷工部侍郎時權臣方議開邊伯成言天下之勢譬如乘舟歲月既久穽漏寔多苟安旦夕猶懼覆敗況可激偉以圖所難相府災同列往唁者或謂偶然伯成正色曰天意如此官師相規時也遂陳三事曰失人心隳軍政啓邊釁言甚痛切進右司郎中出為湖廣總領復除戶部侍郎左諫議大夫在職餘五十日抗疏十三皆軍國大議吏彌遠與左相不叶或致彌遠意謂將引以共政伯成

謝曰吾豈傾人為利者疏奏乞詔大臣以公減私左
遷權吏部侍郎致仕寶慶初以先朝元老召尋以寶
文閣學士提舉祐神觀奉朝請復加龍圖閣學士提
舉鴻慶官年八十四卒贈開府儀同三司謚忠簡所
著有竹隱居士集三十
卷奏議十卷藎志六卷

陳研

字叔幾晉江人乾道二年進士官臨汀疏乞弛鹽
禁民免計口鬻鹽之苦權貴欲引為御史先諷以

排擊故相研曰公議不可犯故相不可彈以忤去提
點湖南刑獄徙計度轉運使屬州有鐵纜錢悉除之
曰鐵纜久廢何錢也召為起居
郎研通經學詩書易禮皆有解

石起宗

字似之同安人徙晉江乾道五年進士除秘書
省正字再遷權倉部郎官輪對力言君子小人

之情狀與天下安危治亂之機又言德雖聖人所能
躬修治非聖人所能獨致願詔大臣盡公任責破徇

私喻情之習尋判漳州入為吏部員外郎奏乞取仁宗洪範政鑒與敬天圖列置座右上嘉歎久之命秘

書省繕

錄以進

許衍

字平子同安人隆興二年以太學生伏闕上書言事乾道八年登進士嘗進本論二十篇言四民利

害及經界上供銀攬戶之弊朱熹與書謂仁人之心未嘗忘天下之憂固如此也通判建寧未赴而卒子伯訓字子揚知仙遊多惠政有便民錄數十條仕終通判福州

楊炳

字若晦世永孫淳熙二年進士累官左司諫論治賊吏當自大吏始大臣不為私則小臣不敢干以

私臺諫不為私然後可以責人之私遷權吏部尚書時邊釁浸開與鄧友龍異議遂乞外因疏論用兵之害開禧三年除寶謨閣直學士奉祠卒年八十一為文渾厚簡古有易說禮記解西掖類稿諫垣存編子

寅翁嘉定

中進士

趙庚

字叔初晉江人淳熙八年進士嘉泰初相臣移書諸司將以敎官授之時韓侂冑用事引疾力辭親

舊交勸不答後客五羊廖剛為帥尤加敬焉及卒貧甚黃以寧哀金葬之

王克恭

字彥禮南安人淳熙十四年進士歷判廣州海寇掠境盛夏暑泄力疾督師擒其首辟知新州

奏裁減丁米以寬民力遷度支郎乞祠歸起知興化汀邵寇作克恭議築城捐錢數百緡相其役在郡六

月
辛

薛舜俞

字欽父同安人紹熙元年進士敎授南劍州未上差江東常平幹官賑荒多所全活改知金華

縣郡守督宿遁峻甚舜俞請寬其期民悉樂輸罷歸辛著有文集易抄詩書指行世弟舜庸相繼登第知

古田縣民間牛死例輸錢于官弊庸嘆曰民不幸牛死又責輸錢是重困也立命除之

曾從龍

字君錫公亮四世孫慶元五年進士第一累官起居舍人兼太子右諭德使金極言州郡遷除

太速之弊開禧間知信州嘉定初召還以右史攝西掖論駁劉玘遷禮部侍郎充賀金生辰使執禮不撓還為刑部尚書叅知政事疾胡榘檢壬奏陳其罪榘嫉言者劾罷起海南安撫使撫安峒獠興學養士湘人勒石紀德明年冬襄淮警報皆至以樞密使督視江淮荆襄軍馬疏言邊地遼遠聲援不接請建二閫詔許專督江淮以荆襄屬親了翁朝論患邊費不給詔命了翁并領督府留從龍樞密以始志不遂致疾

辛贈少師

余克濟

字叔濟安溪人慶元五年進士尉侯官有貴官治第求廨地及牧塲益其居帥諾之克濟力爭

不可為浙西常平幹官以薦知梅州州境盜發或勸之徐行克濟單車就道曰乘其未集可亟圖也克濟勇於為義所至治績寬平可紀卒年八十其學達于春秋著通解十五卷

蔡和

晉江人以親老不能從朱熹遊乃勸陳易往受業自以書從易請質居白石村號白石先生學者多從講授先是泉州士尊經泥章句自朱熹導其源陳易陳淳蔡和潛其流繇是閩洛考亭之書家誦人習矣時惠安劉鏡從熹遊為學主於涵養攝高弟

趙不慢

字子履太宗六世孫居晉江授率府率安範岸偉進退有度孝宗目為宗室魁表常使金與爭

禮服金人露刃脅之不能屈還遷榮州刺史嘉泰辛酉京城災火迫其居不顧與兄弟奔衛太廟焚燒幾半城而所居獨完進眉州防禦使

黃學行

字上父惠安人嘉定元年進士教授全州嘗疏
歷代褒崇先聖故實冠服奠饗儀注為尊師始

末上之詔頒太學通判建寧徙知循州賴冠據松梓
山作亂招捕使合兵破之介逸嶺外學行激厲吏卒

追捕其首遷秩乞增州兵從州
節制所著有史說坦齋類稿

莊壬

字子中惠安人嘉定元年進士尉永嘉鹽寇掠境
憲司符夜至壬亟發卒偕巡簡率寨兵俘盜數輩

守楊簡志壬不先白已會僚屬建縣立壬與巡簡
下欲行軍法巡簡拜叩祈免壬不動守以下皆為請

曰尉權以濟事可旌也簡意解同僚抑
令拜且謝竟不屈拂衣去仕終海豐令

鄭思忱

字景十安溪人嘉定三年以詞賦領鄉薦第一
中第為新興令除道利錢三百萬知崇安縣左

遷浦城丞謁真西山與語知其賢言于太守得復任
知南恩州浙東叅議以雷變上封事言宜去貪卹民

即用蓄力除監登聞鼓院卒所著有詩書釋弟思永
字景修從蔡和進好學篤行和愛其粹朴以女妻之

所著有
易說

陳霖

字傳叟晉江人嘉定十三年進士為瑞金尉紹定
中盜發江閩延及東粵霖出迎敵力戰被繫去不

屈而
死

鄭至果

字子剛晉江人嘉定十六年進士連帥聞其能
檄攝閩永福二邑皆治改建昌令刷前令預借

之數給鈔還民修學宮造輿梁政教俱舉時邑有螟
患至果到官遂息改知梅州州屢易官諸務隨闕至
果閱寔修舉離冠出沒郡境
戒嚴擒其克渠境賴以安

洪天錫

字君疇晉江人寶慶二年進士知古田按誅倚
藩邸勢殺人者調判建寧擢監察御史寶祐間

宦寺橫肆外閫朝紳多出門下廟堂莫敢言天錫求
自孤遠乃手疏以正心格君為說申劾宦官董宋臣
將作監謝堂知慶元府厲文翁不法狀疏上理宗力
護之天錫又言貴倖作奸犯科根柢蟠固異日勢醜
愈張雖欲治之不可得已理宗欲天錫易札自戒飭
之天錫言自古姦人外雖憑怙心未嘗不畏人主之
知苟知之而止戒飭則憑怙愈張反不如未知之為
愈章五上出關待罪又言內司動稱御前良民受害
願使使史臣書曰內司之橫自今日始疏凡六七上
最後請還御史印謂朝廷輕給舍臺諫百官庶府而
獨重北司倉卒之際臣寔懼馬閹人為之氣沮度宗
立疏病民五事曰公田曰關子曰銀綱曰鹽鈔曰賦
役尋為福建安撫使召為刑部尚書進華文閣直學
士尋致仕卒贈正議大夫謚文毅所著有奏議經筵
講義通禮輯畧味
言發墨陽巖文集

吳燧

字茂新同安人紹定二年進士知漳州擢監察御史上疏以正紀綱開言路為第一冬雷發復論鄭

清之初相人以小元祐目之今雷發非時不聞避位是以天變為不足畏矣宜俾奉冊就第而用宦官宮妾不知名者代之疏入除大理少卿再歲召為秘書少監入對願絕內降裁私恩聚忠賢抑嬖倖節不急之費去不良之牧擢殿中侍御史時盛夏猶寒燧言宜崇陽抑陰攻倭倖尤切時洪天錫論董宋臣等甚力燧乞行其言改禮部侍郎度宗立除兵部侍郎燧彈劾數十奏皆通達國體義形于色薦書數十人盡

知名士

徐明叔

字伯晦晉江人紹定五年進士辟江淮制幕幹辦廣漕清節益勵通判漳州以廉聞知英德府

盜寇不敢犯名為國子監丞潮寇起命知潮州設購捕渠魁戮之除江右憲長歲歛發義倉以賑遷兵部

侍郎會元兵南下憂憤卒明叔學有源委與洪天錫齊名人稱之曰擇齋先生

王侃

炳之孫歷官肇慶糾曹倅王衣俘商人數百以盜分圖報之侃持不可同僚以危言諫之侃曰吾守

職耳他非所憂也親勸得寔破械釋之子顯世見文苑

呂中

字時可晉江人淳祐七年進士歷沂靖惠王府教授輪對言當去小人之根革職吏之弊遷國子監

丞兼崇政殿說書奏乞夜輪講官直宿以備顧問又言進講經史乞依正文進讀不宜節貼避忌不惟可察古今治亂亦以革臣下諂諛之習丁大全忌其直徙汀州在汀演易為十圖尋復舊官卒著皇朝大事紀治迹要畧論語講義

呂大奎

字圭叔同安人淳祐七年進士少從陳淳學得紫陽道學之傳出知興化軍轉知漳州未行屬

蒲壽庚率知州田子真降元捕大金署降表不署見殺著有易經集解春秋或問學易管見行於世元孔

公俊建大同書院祀

朱熹以大全配焉

黃巖孫

字景傳惠安人寶祐四年進士咸淳間令尤溪新南溪書院建四齋及講堂以棲學者復作夫

子燕居堂疏朱熹所解太極通書西銘三篇及所與門人問答之語及諸儒之說有發揮者間申以己意會萃成編倫類通貫名曰輯解刊於書院後守福州

陳龍復

晉江人寶祐四年進士歷官大府少卿文天祥開督南劍遷龍復督府叅政守湖州積糧治兵

天祥賴之及移屯遂為元兵所襲死焉

劉叔智

以字行晉江人咸淳十年進士授金華尉江萬里力薦之召對論天下大勢與當時急務有勸

其謁鄭清之者謝不往及清之為相坐萬里憲劾罷遂杜門不出

趙必暉

字伯暉太宗十世孫補永務郎振望中原慨然有祖述之志從益王至永嘉轉承議郎貳趙吉

甫南外宗正蓋王即位福州招撫使蒲壽庚與田子真叛降元必暉逃覓竈邨子真遣兵勒還草降表必暉持匕首自刺吉甫抱哭曰我愧死萬萬不能復見子矣張世傑回兵圍城壽庚盡殺宗室錄曹叅軍吳伯厚以計出必暉達居泉之東陵不復問人間事與諸生講解經傳終身尤長于典禮著有茹芝東陵等集趙必暉亦宗室為長樂主簿宋亡不仕易名文孫專以講授為事

丘葵

字吉甫同安人補郡弟子員少慕程朱之學初從辛介甫繼從吳平甫授春秋親炙呂大奎洪天錫

之門德祐間科舉廢絕意進取所著有易解疑四書日講詩直講書口義春秋通義禮記解周禮補亡景

災間蒲壽庚以城降元益自韜晦元遣御史馬伯庸來徵匿不就復遣達魯花赤賫幣至其家力辭伯庸惡取其書以去卒年九十配享朱熹祠

元

盧琦

字希韓惠安人少從三山余子賢學子賢語其友陳忠曰希韓經學該貫為人簡重無情容吾畏友

也至正二年舉進士授永春尹賑飢均賦減鹽引蠲銀權之無從者仙遊盜逼境琦方省耕界上諭以禍福皆投去棘粟解散九百八十三人至正十三年泉郡大飢皆就永春食琦按視分食有幼穉棄道者舟載養之明年安溪寇來襲琦出郭外諭民曰縣無城能戰與戰不然令死之衆感泣曰使君我父母也忍以父母畀賊琦率與戰大破之明日賊分道至民以鋤鉏瓦礫助擊三十餘戰捕賊千二百餘人民無一

傷者調寧德尹寧德盜起民走匿山谷聞琦至乃悉
歸賊亦解去擢興泉二郡鹽課司提舉時鉅商以賄
奪下四場引鹽自為市琦曰上棄國課下奪民食寧
斷吾腕不署牒也除守平陽命下而琦卒所著有圭

峯集

明

張度

字孟欽晉江人洪武中以薦授錦衣衛都事永樂
初陞監察御史正色臺端巡歷江左交南肅條貞

度人稱其得憲體度初名佛保交南復
命成祖嘉獎更今名陞江西按察使

黃存中

一名魁惠安人洪武中以人才薦授中書舍人
建文二年擢禮部右侍郎有文學習典禮與許

觀陳迪同寅和衷二人敬愛之永樂初二
人殉難魁亦不屈死與迪皆附祀觀祠中

王銓

字彥衡晉江人洪武間隨父璽征討多立戰功復從楚王平閩洞除建寧左衛指揮僉事會廣西龍

州土官與安置鄭國公常茂結姻誘合諸酋以叛授銓叅將帥師征之捕茂以獻分兵勦諸叛酋悉平之論功陞金吾指揮備宿衛建文初調福州左衛靖難兵起銓議率衛軍勤王為都指揮所阻衆請徐行以觀變銓曰王事有期畏縮觀望非臣子之義也疾驅至滄州時李景隆敗遁成祖遣使諭降銓不從仰藥死年五十五贈昭勇將軍賜祭葬子孫世襲泉州衛指揮

劉孔宗

晉江人永樂甲申進士歷官湖廣叅議宣德間山西有警尚書蹇義疏改孔宗山西轉運使調

度精覈軍興饒給庫小憚其嚴明搆以贓山西巡撫于謙謂孔宗律已過嚴多與流俗忤疏其誣得釋正統中乞致仕以壽終

余福

字萬祥，惠安人。永樂丙戌進士，以行人使交州，慰撫降附土人。餽金銀鈿錫等物，皆不受，使還入對。

帝曰：「餽贐禮也，爾何卻之？」頓首曰：「臣受命出疆，繫國榮辱，以貨易守，恐貽外番侮笑。成祖深嘉之，車駕幸

北京，福巡南都，劾權要主事朱某不法，事法司偏坐。福罪，福令家人懇行在帝覽，奏曰：「非使交州行人耶？」

朕方欲用之，何得爾召詣親，鞠得實，命復職。反坐朱所司置重辟，福為叩頭死，請廼從輕，與後竟為讐所

擠坐

蔣疇

字嗣昭，南安人。永樂壬辰進士，任監察御史，所按部墨吏望風去，審覆疑獄多所平反。一時號為鐵

面以居喪

哀毀卒

朱鑑

字用明，晉江人。永樂丁酉年以學行擢監察御史，按湖廣梅花峒賊起，鑑親詣賊營，開諭解散。御史

調廣東禁奸戢暴所至肅然正統初王振擁大駕北征鑑時陞山西左叅政上疏懇留極言也先倡擬太皇太后讀其疏泣下而駕已出矣土木之變鑑勒兵勤王以遏南侵陞副都御史巡撫山西鑑涕泣憤恨上疏言天位不可以無主神器不可以久虛宜急立儲君選智勇之將托忠義之臣開直諫之路杜權倖之門早革內侍之政再造中興之業雪前恥以圖後功鑑在山西十餘年前後奏疏十餘上皆邊防大計所賜璽書五十餘道尋乞致仕家居二十餘年壽八十八卒賜祭葬

何觀

晉江人永樂癸卯鄉薦試中書舍人辦事文淵閣以慎密得久留景泰辛未觀上疏極論大臣王直

胡濙等阿附權奸比周中貴欺君悞國諸不法狀不宜置左右旨下科道議給事中毛玉等劾觀誣陷大臣擅開邊釁之罪葉盛林聰力救之詔杖觀百調象山知縣歸隱古青山著書自娛壽八十九卒

崔惠

字廸吉晉江人慷慨負大節領宣德乙卯鄉薦任石城教諭正統戊辰叛寇陳椿陷城執惠逼降惠

罵不絕口會賊焚草

營遂投火自焚死

楊興

字士載晉江人正統初以明經為郕王府伴讀郕王監國藩邸舊臣咸蒙顯用而興僅為處州知事

會山寇起巡撫委興捕治連破沐溪芳竹賊巢九處事聞召見文華殿問民情苦樂對曰無苦民事則民不苦歷陞南京戶部右侍郎天順改元謫永州廣西苗賊滋蔓興發策備禦寇不入境癸未入覲引老乞

歸著有

松軒集

張惠

晉江人正統間為龍游令景泰初處州寇逼境鎮守者度力不能支爭去以避之惠曰寇至而去寇

退何面目還乎獨不去既而寇竟他往還者皆慚

楊智

字思明晉江人天順甲申進士擢南京監察御史成化四年客星變為彗星智上言妖彗示變災異

迭至非君臣恐懼改革弊政進君子而退小人不足以弭天變宮闈事臣不敢言望陛下深自省察裁處又言成國公朱儀兵部尚書李賓等妨國病民狀遂賈衆怨成國公儀尤惡之會郊祀赴內府光祿齋儀令人早鑰禁門智為內侍選宿儀奏其事以不謹謫廣東布政司照磨轉化州知州卒於官

李汝嘉

字士美晉江人天順甲申進士授戶部主事時有貴幸侵民田者上命覈之得實奪以歸民復

檄湖湘商舟清兩廣財賦搜剔奸蠹無敢私干陞金華知府道聞母喪歸服除補衢州州政寬平修建郡邑學均徭役賑貧乏葺武備雪冤滯建橋梁衢人頌之後陞浙江參政致仕

蔡清

字介夫號虛齋晉江人成化丁酉解元甲辰進士講學水陸寺士多從之進宏治初以王恕薦為吏

部稽勲主事清因上管見二劄言今朝廷之患在綱紀廢弛以至士風日弊民力日屈當大振作之乃可銷境內之憂靜疆場之警又薦引名士劉大夏等三十餘人恕皆納用庶吉士鄒智論事下獄司寇何喬新方在告清詣喬新強之出喬新即疏救智得謫官嶺南尋除南吏部文選司歷江西提學副使宸濠方圖不軌每朔望藩臬皆先朝宸濠次謁文廟清至力請先謁廟後朝王宸濠生辰令以朝服賀清獨去數而入曰以別于至尊也宸濠怒一日與藩臬官侍宴宸濠嘲清公乃不能作詩清對曰臣生平于人無私蓋私與詩音相近宸濠益啣之遂引疾歸時劉瑾方專權援引名士起清為南京國子祭酒朝命未至而清已卒清學初主于靜後主于虛謂天下之理以虛而入亦以虛而應因以虛名齋嘗曰學宜養正性持正行以虛心涵泳切已體察為要訣又曰宋儒之道至朱子始集大成朱子之學不明則孔孟之道不

著所著四書蒙引易蒙引皆推原朱子之意至今學者宗之隆慶三年從祀廟庭萬厯中賜謚文莊贈禮

部侍郎

田崑

字景瞻晉江人宏治癸丑進士授南京戶部主事權杭州北關以廉謹著尋陞寶慶知府岷藩校卒驕悍崑馭之以法歲大飢糴麥種千斛與民每麥秋至民相語曰生我者田父也以親老乞歸泉守王士俊以崑與顧珣李源黃偉四人立善俗坊以表之

黃鐸

字于宣晉江人宏治癸丑進士擢守思恩軍民府思恩故土官承岑氏世襲之後民蠻雜處餘孽跳梁鐸至悉擒捕之團結保伍令民緩急相救增設縣治定稅均徭建學置驛治如內郡由是土蠻始知有長官不敢肆驚云

田崑

字景玉崑弟宏治乙卯鄉薦初授均州知州值凶

歲軍興多方撫賑武當山鎮守中貴貪虐崑力制之為中貴所啣故事州官謁山道士當出迎他日中貴令道士不為禮崑怒笞之中貴遂毀醮壇萬歲牌誣奏崑違繫至京逆瑾用事構成重獄大理卿燕忠疏雪其冤削籍歸均人謠曰太守憂民困猛虎直道難容葉如土晚隱龍溪之上

顧珀

字載祥晉江人宏治己未進士知旌德縣守和州罹大飢不俟申請出倉廩賑卹以治行擢兵部武

庫司正德中政多因循珀秉正執法宿蠹一清陞湖廣叅政寧庶人反南昌珀扼險黃梅為池皖援嘉靖五年以薦起四川按察副使整飭兵備修理城臺召募武勇彈壓羗夷土番來貢者率挾利器珀創會館于郊外使人守之令釋刀易馬乃入遂為定規民無恒擾尋陞南京太僕寺卿檢舊牘舉馬政近郊有屯

田荒蕪民以官徵宿逋不敢耕珀令開墾依畝徵糧
取足額而已擢南戶部右侍郎疏上便宜十二事留

心度支京廩充溢尋督

江防致仕卒年八十六

傅

凌字汝源南安人宏治己未進士授戶部主事為逆
瑾矯旨削籍瑾敗起工部虞衡員外郎理薊州鐵

冶釐革宿弊省鐵竈費三之一遂為定制改都水司
出納不徇私請卿長索所司羨餘凌不從為所排出

為山東轉運

同知卒於官

林

同字直正晉江人宏治辛酉舉人擢兩浙運判分司
永嘉永嘉多官豪蕪并鹽吏相沿姑息同疏言鹽

場疆界不均亟宜經正審覈凡四上始得允嘗奉部
解鹽銀至太倉除兌邊外積羨千餘同仍歸部帑張

孚敬家海上竈籍也海上士大夫懼海賊時至言于
孚敬即瀕海一帶築沙城孚敬以告浙省當事無不

唯唯同曰築沙城士大夫欲之若竈丁者未必欲也
費且不貲奈何專之於是立案堂下案具二紙或願
或否令各畫紙已而無一畫願者遂報罷御史阿
張意据據之同棄官歸著有正學蒙引龍峯遺集

黃瑗

字純玉晉江人宏治乙丑進士知長山縣時山東
早蝗瑗多方賑濟隣境飢民來就食者萬計有老
嫗子商販賤于盜瑗計獲真盜置之法青齊有疑獄
藩臬多微瑗鞠之無不得情歷戶部員外郎擢守肇
慶以平賊功進三品秩既而廣西盜
起瑗起肇慶之兵會捕之以疾卒

留志淑

字克全晉江人宏治乙丑進士歷守杭州鎮守
太監畢真宸濠羽翼也謀應變志淑陰制之一

夕構市人縱火延燒千餘家志淑令地方應火所在
堅閉毋動真不得逞數日濠反報至志淑縱民兵捕
真送獄遂伏辜會武宗統六師征濠志淑適知徽州
止候駕丁夫罷民間諸所措備惟令人攜直隨地催

募供應公私晏然有持檄馳角而入稱奉旨捕人民
某志淑疑其詐醉以酒潛發封無一字擒置諸法薇
郡大治尋遷湖廣布政司叅政適銅盤嶺洞賊起志
淑察奸民為賊耳目者悉擒治之集兵逼賊壘賊困
乃降歲大飢自請出賑所活甚衆屬邑有腴田數百
頃洪水漲塘疏流築堤植柳以固之民呼曰留公堤
累陞浙江左布政未任卒子元
復舉人孫震臣敬臣俱進士

詹源

字士潔安溪人宏治乙丑進士授戶部主事改御
史逆瑾用事拜官者必謁謝御史奉差遣非千金

不能得源皆謝絕之名益著轉貴州按察僉事會香
爐山苗叛源督將卒勤平之擢雲南按察副使執貪
官某置之法御史私之源執益固疏
達於朝罷其官御史御史源竟坐罷歸

詹寅

字敬之泉州人宏治進士選授行人武宗巡幸無
度權宦江彬錢寧等所過荼毒時將北巡戒行有

日詣部司及翰林院具疏列名詣闕下伏留甚懇武宗怒罰跪門五日已而大理寺行人司繼疏入諫詔盡梏其衣冠桎械手足下之獄杖于獄中越五日又杖之闕下死者七人寅與馬同志賻助歸葬嘉靖改元錄贈言事諸臣贈寅光祿寺丞廕一子入監

李源

字士達晉江人宏治乙丑進士奉使廣東督發稽留諸賦故事藩司以使事至者贈百餘金源無所

取使還除戶部主事差監臨清倉倉故置中貴一人董視與諸吏朋奸乾沒憚源嚴恪謀治酒饌冀以娛之源當席舉杯沾唇而已中貴斂手不敢恣而心啣之源卒疏其事以聞時逆瑾竊權與源素不協遣源轉餉遼左故縮其期欲陰中以罪適天寒雪深源晝夜行雪中二百里竣其事以報瑾不能害後以終養

歸疏

葉寬

字東夫晉江人正德戊辰進士知蒙城縣故無城流賊劉六偵寬趨謁鳳陽府突入縣寬妻陳氏

衣丈夫衣繫印肘後馳馬入鳳陽解印與寬遷工部主事監通州磚廠中貴人不敢縱肆嘉靖中賜陳皇弟萬言第西安門外令寬與員外郎翟璘董其役寬言地逼宸居高廣踰制宜半截之肯未下萬言佯疏辭且言丈量規畫皆寬璘主之上怒逮寬與璘下詔獄拷訊尋得釋出為浙江叅政置贓令于法被擠歸

林鉞

字宏用晉江人正德戊辰進士知崇仁縣請改折京兌二米鉞年少才高寧庶人欲致之鉞曰令可

屬鏤死不可易肝膽也及守太平築楊家壩截采石諸驛供應丁夫召民種荒田省浮費金數千增穀至十萬餘石又奏免水旱災地清豪右所匿田以歸于學及卒士民祀之鉞善詩能書人寶重之

郭楠

字世重晉江人正德甲戌進士授浦江令入為監察御史嘉靖初奉命稽覈兩廣倉帑叅糾藩司方

面無所回抗疏薦三河驛丞前翰林編修王思通僭驛丞前刑部主事李中島石驛丞前戶部主事戴冠乞量移錄用復地按雲南時廷臣議大禮多得罪楠疏言陛下入繼大統以孝宗為所後之親自張璁倡為異議桂萼席書方獻夫輩和之羣臣跪門呼呼忠情逼切而置死問罪璁等排正議竊美官上激九重雷霆之威下貽舉朝縉紳之禍所議之禮未足慰先帝在天之靈而號痛之聲已徹九廟之內矣疏入逮赴京杖四十削職為民歸家以壽終

陳琛

字思獻號紫峯晉江人正德丁丑進士蔡清以理學教人得琛丈大異之及督學江右請琛偕行歸而四方從學甚眾嘉靖初以大臣薦拜貴州提學僉事俄改江西皆辭不赴清既沒所謂無媿師門者琛

一人而已學者稱爲紫峯先生著有四書淺說易經通典

史于光

字中裕晉江人正德丁丑進士家貧勵志讀書

事親孝領登西鄉薦不赴春官或促之行曰仕不及親奚亟爲登第後選庶吉士爲吏科給事時議大禮于光疏不報以疾歸家居作易經正蒙復起官

赴京卒

林希元

字茂貞同安人正德丁丑進士授大理評事世宗登極條新政八要大約言君道在勤正學親

正人而息中官機務罷中官鎮守所以清政本塞亂源深見嘉納會以議獄事被論棄官歸大臣交疏薦之尋起廣東按察僉事掌鹽屯二政條切近者爲四款復以所行泗州荒政爲荒政叢言並報可頒行天下改督學時劇寇王畿作亂剽掠廣惠二府希元署按察篆討平之嘉靖十二年大同軍叛殺主帥希元

上疏請誅之而廷議竟從撫遼東兵又告變希元言遠者大同之變朝廷過為姑息故悍卒咸生輕侮大臣因循不振致其益驕而朝廷威令益削疏入詔責希元狂妄欺罔謫知欽州會安南不貢方議征討擢希元備兵海北希元上議以征為是與督臣互異罷歸所著易經四書存疑學者師之

張岳

字維喬惠安人正德癸酉鄉試第一入見鎮太監長揖而已太監曰福建今年解元豈琉球生耶丁

丑成進士授行人武宗寢疾豹房獨宦者侍岳疏言自古未有入主寢疾大臣不預獨與內使共之者乞召大臣經筵科道官輪直起居藥餌先嘗太醫院藥方日呈內閣庶無意外之虞不報武宗南巡岳與同官疏諫下獄廷杖謫南國子學正世宗嗣位復原官以憂歸時王守仁倡良知學士翕然從之岳渡江見守仁猶持程朱遺言守仁曰子亦一時豪傑奈舊聞纏繞耳岳歸立存養四條威儀動作之節十七條以

為學則懸之草堂服闋補主客郎世宗議行禘禮祀
始祖所自出張孚敬附會其人以實之岳語侍郎李
時曰本朝德祖而上太祖所不能詳今欲實以人上
明聖可使祭非其祖乎哉宜設神位題曰皇初祖議
上內批與岳合孚敬大駭更欲致岳岳不應出為廣
西提學僉事視學至柳州軍士以太守不給糧聚衆
鼓譟岳為太守出糧廩其鼓亂者十八人送軍門置
之法衆遂定改提學江西江西尊王氏學岳更約諸
生著蔡程朱之說以入賀萬壽不謁孚敬謫廣東提
舉轉守廬州安南莫登庸久不貢朝議將討而郡縣
之岳具疏陳狀蔡贊毛伯溫以兵事付岳嗣遭浙江
叅政伯溫奏留岳廣東登庸覘張太守尚在乃遣其
孫福海款關納土安南平擺右僉都御史撫治鄖陽
改江西貴溪相夏言治生塚藩司議廣信七縣各措
千金岳曰將範金為榔耶縣百金足矣分宜相嚴嵩
奉詔建延恩閣岳批牘與千金所司相顧訝少請益

岳曰是非相公意嵩子世蕃在京有後言同里都御史邱養浩密以聞岳曰自分定矣寒骨稜稜止少馬革一張而已甲辰陞副都御史提督兩廣討封川賊平之晉兵部右侍郎尋征馬平蠻克雷巖同銀北岸諸巢遂圍魚窩馬鞍高挽諸險皆先後破毀分兵守之召入兵部左侍郎以征克賀連功加右都御史旋命總督湖廣征湖貴苗累奏奇功皆為嚴氏父子所抑既擒渠首龍許保猶令盡絕苗黨或語岳何不稍自貶岳指其髮曰如此種種顧入錢買官乎自古刀鋸鼎鑊皆士君子致命遂志之地吾知應詔殺賊而已後竟卒於沅州贈太子少保謚襄惠弟峯嘉靖庚戌進士官四川僉事子安慶遠知府寓順天鄉薦孫迎萬歷乙未進士

王宗濬

字志達晉江人與兄宗源先後成進士宗濬為兵部郎佐蘇府奏乞自徵地賦并請勅示後宗

濟言於尚書梁材以擅征困民非祖宗舊制也疏力爭之事得寢累遷湖廣江防僉事以疾卒于官

黃潤

字以誠晉江人正德辛巳進士授武進知縣武進賦重先是巡撫周忱奏折布以輕之疋布抵糧一

石吳廷舉議徵其價疋銀五錢潤爭之曰三吳每石糧價歲三四錢耳折布固將輕之若裁定五錢是重之也乃改徵疋三錢陞兵部武選主事奏立編選法擢守松江府修葺廟學給學田二百餘畝定賦役冊至今便之尋遷河南憲副飭兵信陽時章華臺青衣嶺三點山諸劇盜盤據流劫潤討平之遷山西左叅政以母老乞終養著有東石漫稿十餘卷

丘養浩

字以義晉江人正德辛巳進士授餘姚知縣擢監察御史疏劾近侍陳欽橫恣謫永平推官未

行臺諫疏救賜還職席書以議禮得幸其弟檢討春已除按察僉事書為陳乞復館職養浩疏其冒恥奔

競志失難退出巡海關復疏徐定國冒奪邊關屯地
千餘頃條陳防邊便宜十餘事朝論譴焉尋擢右僉
都御史巡撫四川檄諭雜谷白草番夷先後納款烏
蒙羅魁攝播肆虐屬土舍祿堂誅之勦邊將李爵阿
附險譎舉廢將何卿以代改撫江西
有論其私何卿者遂引避歸卒于家

王慎中

字道師晉江人嘉靖丙戌進士授戶部主事監
兌通州憫運卒轉輸之苦糧有浥瀾者即以散

給軍士人服其練達改禮曹尋改吏部以事謫復擢
禮部員外郎督學山東歷江西叅議河南叅政屬歲
饑大梁宋衛之墟殍殍蔽野慎中開倉賑濟施給有
方旋罷歸益肆力文章追軌作者初慕先秦以上漢
以下無取焉晚好歐曾文欲雁行而比肩之唐順之
稱其文二百年來當為中興後有起者莫能及有遵

巖集行
於世

莊用賓

字君采晉江人嘉靖己丑進士授行人遷刑部員外郎出為浙江按察僉事直指行部事不合

必與抗論上虞丞倚離使私人貪恣不法暴其狀黜之寧波學宮壞議修建直指以疏動帑金非便用賓曰院移某邑餽某卿大夫金若干果疏動耶直指變色大恨以論劾罷歸年三十有一倭寇逼邵父塚為寇所發用賓偕弟用晦率鄉勇直搗寇巢負父骸以歸用晦没于賊事聞贈太僕少卿

陳一道

字邦緒晉江人起家掾吏嘉靖中為蕪湖丞邑劇賊黃岳行劫湖湘漢沔間一道以計擒之悉

除其黨盜遂息三十四年江南倭自浙流劫諸縣治至南陵諸援兵相顧愕眙一道所率皆蕪湖驍健麾衆獨進為賊所殺其僕子義橫身捍賊刃亦死之事聞贈應天府判子義府經歷廕其子宗堯入太學

洪富

字國昌晉江人嘉靖己丑進士富未第時嚴嵩為祭酒延為其子世蕃師後登政府富絕不與通歷

守雷州憲司牙卒以賄殺人富庶知悉寘之法陞四
川參政時張岳出師湖廣徵餉諸省川撫李杳欲勿
與富與之爭既復調蜀上兵應役香又欲以先年調
征之名應之富曰年遷人易奈何以紙上虛名應軍
前實用乎屢與巡撫違忤遂乞歸十餘年卒富受業
蔡清與吳銓林同留心易學因以所得著為淺說與
清蒙引并
行于世

黃光昇

字明舉晉江人嘉靖己丑進士歷官副都御史
巡撫四川會營三殿需巨木時山無見材帑無

見鎡光昇度郡邑大小地里遠近疏借他省發上下
吏贖錢彼此灌輸不須加派三殿成拜兵部侍郎總
制楚蜀黔中三省討叛苗撫降二十八寨召入工部
尋進南戶部尚書嚴嵩竊柄政以賄成諸督撫無能
徒手保位者謂光昇庶且有督木撫苗功無所希冀
嵩敗華亭徐階雅相知遂力推輟焉南京各衛軍餉

以改折解北釀激軍變光昇請復原額履議續派軍
始無譁自南京入長司寇時世宗暮年譴戮不測陷
與光昇委曲調劑給事中沈束以言事因繫十六年
光昇疏乞蠲宥有旨放束編民尋謝政歸復起南刑
部高拱嗾私人劾之罷還里所著有四書紀聞讀易
私記讀書愚管讀詩蘄測春秋采義歷代紀要昭代
典則陶集註解杜
律註解數百卷

楊逢春

字仁甫同安人嘉靖己丑進士授崑山令盡却
邑中獻遺尋授南京道御史入臺餽不敢至出

為廣東按察僉事分巡嶺南時法弛卒情賊白日剽
掠逢春首以修政息民為要隨即易置將領選卒訓
練賊發輒擒之調四川僉事清鹽屯諸弊政時叙州
蠻叛殺掠吏民逢春知蠻因屢撫而驕非盡勸之不
可因分兵四路會勦復計蠻素以撫徯我因而誘之
陽撫其四鄉而以勦二鄉為師名果得四鄉最桀者

四十人以來盡殲之用是兵入有功俘斬千計後分部湖廣立清田稅法使稅附田以行田與稅不得相

失卒於

湖南

蔡克廉

字道卿晉江人嘉靖己丑進士歷陞刑部員外郎先是大同軍叛逮總督劉源清下獄克廉謂

邊鎮大臣論死以快叛卒非國體且源清有破寧庶人功請宥之議上劉得毋死後以寬張延齡獄事謫廣州同知歷陞右副都御史督漕入為戶部右侍郎轉南戶部尚書

陳讓

字以禮晉江人嘉靖辛卯鄉試第一壬辰進士授紹興推官入為御史建昌侯張延齡以外戚得罪

繫獄語多毀訕市人劉東山為父所訟亦在繫遂撫延齡事詞連仁壽宮及熈戚大臣下法司鞠誣罔狀已發配東山逃歸復有所構煽讓與東城檄兵馬司捕治之東山遂奏誣讓與張延齡通株連如前語下

讓假會赦出章聖太后崩肅宗方營陵寢于大塔山
欲幸承天奉睿帝合葬讓疏言陛下自藩王入御大
統園陵有天子氣不宜改遷忤旨
削職為民隆慶初贈光祿少卿

蔡元偉

字伯瞻泉州人嘉靖辛卯舉人授羅田教諭歷
撫州同知攝樂安篆時流賊焚掠鄰邑元偉嚴

為之備賊不敢犯縣獄壞將新之縱囚歸家命獄成
乃至至期悉集無一後者復署崇仁篆邑無城郭賊
突至力戰得全元偉學宗程朱而勇於自治或提繕
稍懈過失復生輒撫膺泣下著有四書折衷易經聚
正諸

書

傅鎮

字國鼎同安人嘉靖壬辰進士由行人授南京御
史疏諫車駕數幸山陵世宗嘉納又摘守瑤潘真

不法狀請按真奸賊果驗逮治之旋補廣東道御史
辛丑寇掠三晉以西地總督樊繼祖與諸將堅閉不

出而先後報首功至五百餘級鎮疏其敗因邀功狀繼祖視職巡按山東值妖人謝漢作亂擒獲黨與甚多鎮論殺首惡餘脅從者悉釋去入掌河南道大計相屢嵩欲熱觀察使一人鎮不從嵩憾之出為河南憲副轉叅政粵西有議逐流民者鎮曰彼亦民也況有師儒醫卜商賈之屬有罪民生奈何驅之還湖廣左藩進右都御史提督操江以病乞歸鎮風裁凜凜豪貴斂手而行法仁恕在河南時有治河羨金二百餘封識庫中後人指其金曰博真金從鎮名亦庶鎮也萬歷中賜祭葬

李愷

字克諧惠安人嘉靖壬辰進士授番禺令東莞番舶所轄縣令掣稅蠲廢之琴者乾沒其間愷徵稅

如額夷酋歡呼歷陞湖廣按察副使備兵湖北時苗寇橫發調三省不能制愷抵任三月擒斬三百餘人餘黨悉降以病乞歸嘉靖壬子島夷犯吳越間惠安故無城都御史王某議城之屬愷董役愷旦夕行視

出私財以犒城完賊陷福清趨城下邑令林戚卧閣
不出愷集父老排縣閭泣請令為守城計令感愷義
登陴防禦日未中寇至愷力戰却之賊以布梯衝車
瞰城暴雨至雉堞崩愷且葺且拒益厲死守會郡中
援兵至愷挹酒餽勞與里人張宇熨飯攜漿躬餉守
者賊勢蹙拔營遁惠邑得平皆愷禦悍之力著有介

山集

周天佐

字宇弼晉江人嘉靖乙未進士任戶部主事時
九廟灾詔陳時政關失御史楊爵疏五事繫詔

獄數月無敢言者天佐上疏曰求言之道示人以言
不若示人以政陛下令諸司條奏關失今楊爵所犯
在于過直情則可矜古帝王求諫嘗立毀謗之木毀
謗非事君之義而帝王不諱者慮下無直言則上不
聞過也天子之尊所少者不在唯諾稱頌之滿廷而
在憂盛危明之一士在廷諸臣不負此義者獨爵耳

願察爵之言原爵之心亟從寬釋不吝採行旌其忠
諫以勸來者則人心悅喜天道降康矣疏聞詔廷杖
與楊爵同繫獄越二日斃獄中時年三十
餘隆慶紀元贈光祿少卿廕一子謚忠愍

康朗

字用晦惠安人嘉靖乙未進士授刑部主事聞武
定侯郭即獄以彊直著聲歷轉浙江叅議廣西督

餉以奇計擒蠻寇賜白金文綺冢宰李默以邊才薦
之補叅議山西擢備兵曹濮剿寇傅伯玉劉千觔流
剽三省朗冒天石與將吏殊死戰斬獲無遺提開晉
僉都御史開府鄖陽適漢中降猓激變聚衆數千人
朗庶知猓與邑民搆訟縣發兵捕之急致變乃持檄
諭之令束身來歸待以不死猓羅拜加額曰鄖陽都
院仁信有聲必不我欺遂解散去
轉副都御史巡撫川貴乞致仕歸

盧天祐

字以順同安人嘉靖丁酉舉人授永豐令嚴嵩
當國賄賂盛行直指行部多索罰金以具賂至

永豐天祐曰邑舊無尉金也縣無城賊寇雲擾廣卒
袁彬等千餘人應召捕賊反為亂縱橫閩浙間天祐
刊木壘石塞溪隧蔽關隘分兵防守有捕得通賊者
立斬之廣卒至聞其清德竟不為害為令七月去官
永豐人
祠祀之

趙恒

字志貞晉江人嘉靖戊戌進士教授袁州督學使
者延為白鹿洞山長遷國子監丞又遷南戶部主
事時四方漕餉率重北而輕南歲押運一二縣簿領
之所積負以百萬計恒謂留都根本地層庾虛竭何
以應猝請之司農陳儒疏部運之規令諸省分漕以
郡佐總漕以藩司各詣部廷稽覈如輦下例疏上得
請大明會典所載即恒所論列也擢守姚安姚安故
雜夷俗粗淫僻恒為定婚娶之禮土酋翕然郡介大
理楚雄雲南之交諸採辦鑄造費運旁午恒請中丞
閉巖石巖官署鑄銅之禁中丞偉其議行之所著有

莊子涉筆史記涉筆與
春秋錄疑並行于世

王春復

字學樂晉江人嘉靖戊戌進士守贛州會有大

索賫肆出行劫寢通霄都執二指揮春復持兵出郭
民聞守至四十里內皆來集賊乃釋去憲副雲南沐
黔國世鎮滇中誣民侵支屬土田遣家僮逼脅民莫
誰何春復至申牒深切諭以利害黔國媿悔賊家人
毋敢肆者參議
廣右年餘卒

洪朝選

字汝尹同安人嘉靖辛丑進士除南京戶部主

事出權北新關按稅課額盈額而止津梁不閉
高民便之事竣督放倉儲諸所規畫後人引以為法
念所學未足上疏乞歸就王慎中學上下議論久之
充然有得起南吏部郎督學四川朝選素不為嚴嵩
所善嵩敗遷僉都御史提督操江旋開府山東入為

刑部侍郎時江陵張居正東樞連藩獄起居正以私憾欲有所旁及屬朝選佳勸朝選論遠庶人如法他無株連居正惡之以大計罷歸中丞耿定向撫閩素善朝選每咨以時政朝選傾心告之偶及藩司支放邊戌月餉事左布政九江勞堪深啣之會耿以憂去勞代之阿居正意藉洩已憤日夜播撫其無情事以聞於朝居正從中擬旨削籍逮訊之命旋下勞堪得密報馳戎卒逮朝選下梟獄不二日斃之獄中後居正敗子兢訟冤闕下詔復其官諸造謗者俱遣戍

史朝賓

字應之晉江人嘉靖丁未進士授刑部主事楊繼盛以論嚴嵩納賄憲國十八罪下司寇獄人

人揣恐朝賓僅為比奏事不寔律主者不可乃署末云楊繼盛語雖註誤心實無他惟稍憫其在愚謫發遠戍庶以合好生之德奏入楊竟坐大辟朝賓降三級調判泰州遷工部郎分署張秋鎮約束諸關津俱

有法嵩貶擢應天府丞
鴻臚寺卿卒賜祭葬

林

一新

字震起晉江人嘉靖丁未進士授戶部主事管通州天津倉咸寧侯仇鸞提大兵恃功自尊諸

部郎賢餉多中以禍一新戒期約分屬以某日會餉某所而身從間道趣督餉如時至竟不見鸞而歸旋陞江西僉事豐城堤決為設法修築稱為林公堤晉雲南叅議適東川土官為梗開府用兵與直指有郛一新右開府言觸直指直指遂糾論開府及之事白降一級以母喪歸服闋赴京張居正其同年也素無通問惟公府一謁居正惡其遠已喉給事陳某論一新年老令致仕

張冕

字莊甫晉江人嘉靖丁未進士授烏程令值倭至高築城垣分習技擊立隊伍密偵哨倭犯太湖冕

陳兵湖中破走之倭犯北新關冕計其必取道新市雙林以歸伏弩桑柯林邀擊之擒斬甚衆丙辰夏倭

由烏鎮入將掠湖郡冕分兵逼賊地賊不敢進時城中單弱備兵使者檄冕還守冕曰戰即守也蓋備兵分捕倭遁去遷桂林通判劇賊張璉焚劫廣東朝廷以冕有偉畧擢廣東兵備僉事不三月連縛潮陽惠來二酋平其巢璉敗死癸亥倭圍潮陽冕引兵入城衆稍却冕慮先却者衆之整隊向賊賊遁越數日復督戰兵皆倍勇擊賊賊盡却走擢湖廣叅政尋兩廣寇起改東廣撫夷僉事駐節桂林至則立營堡分汛地以武職之良編甲授藝令關自為守終冕之任桂林不復有賊警筮仕二十餘年名節自砥視權門若流視汚吏若讐凡古人教民之具如勸農鄉飲諸禮皆實意舉行先是泉郡苦倭田荒米貴冕在廣東勸諭高民航粟抵泉鄉人賴之立碑以紀其德

莊朝賓

字子觀惠安人嘉靖丁未進士授南京工部主事轉郎中出知瑞州精明仁恕陞廣西按察副

使分部右江駐賓州去州一舍為賊巢時出剽掠朝
賓至議戍守事宜次第行之又以八寨賊鴟張已久
而土官韋起雲勇畧可任即屬以兵復以思恩九司
巡檢分鎮馬八寨聽令惟謹在鎮三年人呼為莊善
薩陞貴州左叅政改廣西廣西自古田劇首韋銀豹
劫庫之後地方靡寧朝賓區畫城守酌置屯戍所部
晏然後致仕歸著
有筠陽巾笥二集

蘓民

字利見晉江人嘉靖己酉舉人授長樂令廣賊盤
據山谷督府方議勸詢賊所據壘民具以對先是

督府嘗遣一別駕偵賊彼留至是民單騎往視諭以
禍福賊無降意因籍其姓名詳其要領具上督撫設
計擒捕二千餘人餘黨聞風悉散倉監司嫉其功遂
求免歸子琰萬厯癸丑進士授行人擢御史遇事敢
言巡按貴州屬安苗逆命特勅監軍琰至黔
累敗安賊擒斬渠魁黔省以寧尋謝病歸

朱一龍

字于田惠安人嘉靖庚戌進士歷官廣東左叅政時柘林叛卒突至會城藩臬官分門守禦拒

避賊者不納一龍守小南門曰賊近而啓扇以待示吾疆也民急則開門以納示吾仁也閉之何為乃大

開門日入男婦以萬計後遷廣西分部右江右江自張岳破賊後久不言兵寇復猖獗一龍條上督府言

都亮不處則宜山其墟淥里不治則賓州其治南四紙劉不誅則來賓武宣之民未知稅駕顧當機責密

應變在速請得便宜從事許之乃密召將領分兵四出因巢為食以所獲充犒賞斬獲八百有奇諸蠻震

驚復遵約束遷江西叅政罷歸所著一統輿圖廣畧駮歷餘稿遊海夢談詩餘類編

陳道基

字以中同安人嘉靖庚戌進士歷任南京都察院右僉都御史提督操江改應天巡撫檄下所

司諸告密株連者置勿問謬持人長短快睚眦者罪無赦自是告訐之風頓息吳人咸慶更生以忤張居

正被劾歸復起為薊鎮開府至則聞部伍修戎器凡幕府市租悉數為饗士之費時居正以歸葬故陞還良涿間督臣躬迓道左視供具道基臨邊自如尋召工部左侍郎督陵工還南刑部尚書再疏乞骸歸

薛天華

字君怡晉江人嘉靖庚戌進士適楊繼盛以論權相死天華與同年朱天球哭之捐金為其殯

殮後守重慶重慶當彫瘵後民多流亡請蠲一年租稅以復諸逃亡者天全六番招討使死長子楊時譽襲次子時舉謀奪之勒兵相攻撫按檄委處分時舉陰遣人投重賂天華械致時舉為陳國法天倫逆順禍福時舉叩首服六番帖然還雲南提學副使闡明正學士爭濯磨晉廣東按察使轉本省布政使卒

丁自申

字明蕪晉江人嘉靖庚戌進士授南戶部主事出守順慶隆州土官爭界相讐殺奉檄同保寧

守訊之保寧守請具甲冑以從自申單車至其壘首惶恐謝罪及調梧州會大勦猺寇將領掠平民為功

俘至今妻孥自識別驗寔縱還全
活無算尋罷歸所著有三陵稿

許宗鑑

字應衡晉江人嘉靖癸丑進士授南工部郎權
蘇湖稅尋守夔州以清廉為二十石冠擢廣東

按察副使備兵南韶大小羅山峒寇出沒為害增屯
戍謹關隘通鹽米以撫結之大廟山寇黃朝祖屢梗
不悛請閩贛二省兵會剿之廣撫檄移其兵宗鑑以
功垂成固執不遣為所劾謫貴州叅議遷雲南臨安
備兵副使獲刺殺難諸蠻自漢來不通風教專事剽
掠舊設戍兵十哨哨皆有田年久湮耗宗鑑設法清
復且耕且守獲賊遠不敢出
治績大著遷浙江叅政罷歸

史朝宜

字直之晉江人嘉靖癸丑進士授山陽令時趙
文華以倭亂視師海上北過淮朝宜為設常供

而已秩滿陞南戶部主事出守瓊州會流倭突入瓊
朝宜以平賊為已任寇至迎擊之大創去于是巡行

傳與勅白沙諸案以遇奔突聲勢聯絡倭不敢犯累
遷湖廣右布政使引疾歸弟朝富同年進士歷官永

州知府以

清望著

蔡一槐

字景明晉江人嘉靖己未進士除戶部主事歷
湖廣僉事有御史希張居正指欲以法中其鄉

之縉紳授意一槐一槐曰吾安能枉法以媚人耶癸
酉典試楚闈居正子試卷分房已進閱矣同事者私

語一槐一槐黜落之居正大恚
稍遷東粵蔡議以京察罷歸

陳邦顏

字獻社晉江人嘉靖壬戌進士授華亭令華亭
財賦甲諸縣逋負累累邦顏單車入窮鄉召父

老廉其故備得積負詭戶者置之法催科不遺胥吏
以片楮傳告里長率如期至咨訪民情無不洞曉後
擢兵科多所建白值遷太監于南京供應機房織造
工部工料駁諫不同邦顏抗疏直言忤旨旋以疾乞

歸道

卒

莊國禎

字君祉晉江人嘉靖壬戌進士授會稽令徵拜給事中先後疏大臣郭宗皋游震得遲鳳翔皆

黃錄有與援者出為浙江按察僉事改視江西學政直指使者沿例收士入闈既撤悉充國子員國禎堅持不聽尋轉江西左布政後補河南值兩河大侵請發臨德倉改折漕糧三歲倣趙抃荒政選丞倅分地經理之民以全活潞邸新開中貴人用事國禎裁經費汰浮冗無少假借擢副都御史巡撫江西連年水旱復以河南例題請改折晉南京刑部侍郎旋改戶部歸

陳學伊

字爾聘南安人嘉靖壬戌進士授南京戶部主事陞禮部郎中出守揚州以抗直左遷郴州守

郴州俗男子憚于加冠父母初喪鼓吹三日名曰闌喪民間多棄女夫病篤遣媒遂聘其妻謂之佐殯學伊

申禁再三俗為稍移柳治峒枉不奉聲教其法偷一
難者罪至死擅殺無忌學伊檄諭嚴禁之遷撫州同
知擢江西僉憲分察湖東嫵怨不避生
齟齬歸所著有五譚類抄世紀諸編

詹仰庇

字汝欽安溪人嘉靖乙丑進士授南海令以卓
異擢御史穆宗命戶部購寶石珍珠諸物三日

責辦仰庇疏言珍珠寶石多藏中貴家上供日急則
索價逾倍今軍興告匱將馬用此乞罷購明年春內
官監製烟火進奉元夕火藥突發延燒內房仰庇疏
言逸欲害德近習債事宜嚴懲其不恪者凜宴逸之
戒杜諛奉之階疏入不報是時陳皇后遷居別宮寢
疾危困仰庇復疏言皇后乃先帝所擇以配皇上為
宗廟神人之主坤寧宮曠而弗居積有歲月今抑鬱
成疾皇上畧不省問萬一不諱其為聖德累不小穆
宗覽疏心動手批曰皇后無子多病近移別宮安適
爾不曉宮中事妄言姑不究會奉命監視局庫復疏

言內官勅以供御為名肆行侵冒乞命戶工二部及
巡視科道等官查覈以杜奸欺該監所開諸費如龍
山花欄金櫃玉盃作無益以害有益凡以督造採辦
為言願一切罷斥疏入忤旨杖至百黜為民仰庇官
臺中八閏月而疏四上多指斥中貴神宗登極起
廣東叅議累遷刑部侍郎乞歸卒賜祭葬贈尚書

蘓仕潤

字惟德晉江人嘉靖乙丑進士由吉水令入為
御史疏請東宮講學舉進才裁東粵撫臣罷光

祿內供朝論題之授長蘆鹽政疏積引之弊行小票
法著為今後撫順天巡視京營繩中貴人義子之橫
行者會張居正與高拱有隙仕潤為高所舉遂出
為湖廣副憲尋謫全州倖遷夔州佐守以疾卒

黃馴

字珍夫安溪人舉鄉薦選溫州丞繕城郭清什伍
修戰艦三年倭犯溫兵使者徵馴出逆或謂嬰城

易堅馴曰四郭非吾民耶而以妾冠可乎逆逆之時
溫軍分而為三馴將中軍其二帥皆乳袴子一軍軍

壘石一軍軍鐵塲以為後援馴前軍薄賊勁弩巨礮雷發賊稍稍辟易乃陰分其衆為二一從上流掩壘石一從下流掩鐵塲二帥皆棄軍走賊合而尾之馴軍腹背受敵為賊所獲坐榕樹下脅之降叱曰世寧有降賊黃大夫哉賊復好謂之馴嫚罵賊怒裸而寸斬之朝廷憫其忠贈浙江布政使司參議廕一子入監

林雲程

字登卿晉江人嘉靖乙丑進士知通州有巡檢被盜盜不獲當事責讓總戎乃掩取狼山進香

人及丐子百餘欲上之雲程執不可活五十餘人慙知汝寧府乞歸家居四十載著有叢蘭館史編蘭窓

雜記
等書

蕭景昶

晉江人以候補長洲尉時織造太監張志聰恣睢橫索長洲令郭波持法性之志聰忿遂誣令

抗御造龍衣執束縛之倒曳于車後景腆領弓兵奮
追直前批志聰頰落其帽市民從旁觀者盡為景腆
張氣梯屋飛瓦擲志聰奪令以歸志聰還訴于世宗
有旨械下詔獄廷臣壯其義會疏救之景腆仍調尉
長洲巡撫吳巡舉為景
腆立仗義景風之碑

李熙

字穆之晉江人隆慶戊辰進士由庶吉士改兵科
給事中疏乞錄用言事得罪諸臣以聞言路復言

理學蔡清宜從祀孔廟糾中官洪保巨奸當斥逐旁
及戎政互市賑卹阜財諸疏皆中機宜朝紳屬目會
疏論譚司馬沐黔國劉都護不法事譚司馬者權相
私人也力擠之謫南豐丞怡然就道既至棲白廐洞
講學一時士子形影嚮風還寧國令邑有疑獄累年
不決熙雪其冤狀釋之出守高涼徭徭雜處冠賊充
斥有司討之不能克熙示以恩信散其脇從境內肅
然晉廣西臬憲致仕舟次惠州卒著有私鑒錄八戒

及詩文
藏于家

王用汲

字明受晉江人隆慶戊辰進士歷戶部員外郎時張居正柄國假歸楚中治葬督撫藩臬十里

外奔赴獨巡按御史趙應元稱疾不會馳疏乞休臺長希居正旨以飾疾規避劾罷之用汲發憤疏言御

史以不會葬忤柄臣而御史大夫阿意借事糾彈比恐憑社場竄之奸復見今日宜別白忠邪永戒朋比

疏入黜為民直聲大震居正歿起為刑部員外郎歷遷大理少卿屢上疏論事朝議凜馬晉副都御史總

督操江會勦太湖劇盜殲其魁捷聞賜金幣晉南京刑部尚書以疾乞歸卒贈太子少保謚恭質

蔡貴易

字道生同安人隆慶戊辰進士授崇德令以杯酒擒大盜楊雷潘榜等擢南京戶部主事有薇

商素感貴易釀金四百追贖却之商人立四知亭紀馬督錦衣八倉米鹽出納經十年無訛拆者出知寧

波府時余有丁為相主議開海外金塘大榭二山之
策謂可墾腴田二萬畝佐軍興貴易曰此國初所徙
地也役僉黔而資巨室庸詎利乎事遂寢寧關外跨
大江為浮梁兩岸隙地豪家佔以築室渡者多溺貴
易立清其址沉溺之患以息擢本省按察使會入覲
為構者所中生鐫秩卒

黃鳳翔

字鳴周晉江人隆慶戊辰及第第二人授翰林
編修丁丑分校禮闈時張居正當國欲鳳翔錄

其子庶辰再列同考鳳翔知之固辭歷官儀部侍郎
以爭建儲事不報乞歸終養戊子起為禮部右侍郎
充經筵講官始鳳翔為國子監祭酒嘗進禮記表有
攝聖躬純聖學預建立蚤諭教數條及為講官則進
用人理財之說且請屏游讌御朝講圖修攘振內綱
蓄邊財罷覓利時皇太子未立中外屬望鳳翔復疏
爭之諸所建白俱切時務後以禮部尚書致仕著有
田亭草若干卷天啓初賜諡文簡

葉明元

字可明同安人隆慶戊辰進士授石埭令歷南刑部郎有百戶殺人于道主者以張居正鄉人

欲庇之明元執寔之法居正母過白門傾都出謁明元獨不往出為貴州憲副諸苗怙亂潛畫方畧逆苗以次受縛復為防衛建邑浚河徙民諸網繆甚具遷廣西叅政以勞瘁卒于官

黃德洋

字振海晉江人隆慶戊辰進士初授行人三使外國贈遺一無所受遷刑部主事執法不撓中

貴憚之擢四川僉事岷山武都苗素鷙頑德洋親詣其巢諭以禍福皆願遵約東陞貴州叅議土苗安國亨忠虐醜其叔德洋以法繩之苗懼令其母請罪廷論定苗功命未下卒

楊道會

字惟宗晉江人隆慶戊辰進士歷官工部郎權木南關張居正柄國令伺南方人情向背以告

道會至關報視事日期而已居正病部尚書咸出金為禱道會自削其名時論高之出知台州倭突至民

奔入城道會曰倭來必登岸未登岸何急也授兵登
陴坐鎮之倭遁去遷廣西按察副使平府江岑溪徭
俱有功累遷山西左布政晉階正奉大夫正治卿乞
休許之年八十居常謂理學盡於性理性鑑備於綱
目乃取性理精言採入程朱全書近思錄為性理抄
修史依春秋綱目例纂成自作論贊有史綱節要行
世

楊日采

字原白晉江人隆慶庚午舉人任羅源教諭遷
安東令安東苦河溢日采修堤障之招流移墾

荒土改折漕糧勞來商旅邑大治擢南京刑部主
事歲餘卒孫菁獻力學有大名以著述老于家

陳詔

字宣卿晉江人隆慶辛未進士歷官工部都水司
郎中修高郵湖堤詔倣儀真通州等閘洩湖水注

之海濬草灣等口以消黃漲水落見舊基然後興工
閏五月而堤成淮揚一帶遂為安流出為浙江按察

無事治海塘詔條上撫院言今石塘之石終有罅隙
宜鉗之以鐵錠琢石使平方夾縫頗疊各極妥帖用
石灰調糯米灌之撫按依其議前此修塘費至三十
萬詔為之費止十一萬既竣工上官交薦遷布政司
參議巡撫徐斌奏聞澈浦河道復以奏詔詔議先賑
民貧徐調夫役僅兩月畢事遷雲南按察副使以病
歸

張治具

字明遇晉江人隆慶辛未進士知永淳縣有賈
人子賂當事請鑿礦治具力爭之遂報罷擢

湖廣道御史危從謁陵還駐蹕老君宮治具倉卒具
疏請罷逸海以光盛典深見嘉納陞四川按察使播
州民苦楊酋殘暴避入內地時議驅出之治具曰播
人吾人方離罪而復擠之非情也遂設法安輯後病
卒葬向高
為銘其墓

周良寅

字以衷晉江人隆慶辛未進士授戶科值慈聖太后千秋節內票取數十萬金頒賞內戚近侍

良寅疏諍得停罷轉刑科張居正奪情六科議疏留良寅不肯署名出為浙江叅政尋謫判靖州遷寧國

令解組歸

楊廷相

字君贊晉江人萬曆甲戌進士令丹徒擢吏科給事中嘗偕刑部錦衣籍張居正家見尋常刺

賸悉火之保全甚衆在吏垣九年所建白多持大體不為谿刻求名遷應天府尹南京通政使乞骸歸裔

孫賢錫崇禎甲戌進士

郭惟賢

字哲卿晉江人萬曆甲戌進士由清江縣授南御史屬有掣鹽之役故事掣鹽御史取贖鍰不

贖半入私索惟賢疏言戶部職錢穀御史職糾察各有司存請令主事掣鹽而御史按季監督而已許之

先是張居正柄國言事諸臣多得罪會皇太子生下
恩詔惟賢言恩詔雖下而建言諸臣如吳中行趙用
賢艾穆沈思孝鄒元標傅應禎朱鴻謨余懋學等多
在戍籍乞行赦宥疏入謫江山丞尋復舊官復薦王
錫爵孫鑣孫丕揚耿定向曾同亨王鑑蔡國珍詹仰
庇等皆先後起用推賢斥佞一時名動天下刑部主
事董基以諫止內操被謫惟賢疏救甚力復調南大
理評事累遷右僉都御史巡撫湖廣定三楚賦役全
書以省徵派之弊出太和山香稅以補宗祿兵餉之
缺入為左僉都御史協理院事晉左副都御史上大
禮大政用人理財諸疏歷
戶部右侍郎卒賜祭葬

黃道瞻

字臨汝晉江人萬厯甲戌進士授遂昌令歲饑

多盜吏捕莫止道瞻曰民視死于盜與死饑等
故多盜耳于是極力請賑盜賊衰息補宜興令邑多
豪貴大猾招亡命為奸究捕急則入湖中緩則橫肆

剽掠道瞻曰此非如遂昌民饑可使飽者也畫策誘
誅其渠魁立散其黨召為兵科給事中疏薦孫丕揚
等可大用劾南北二大司馬及大帥不法事又以少
保戚繼光宜任之長城北邊不宜處東粵散地忤旨
謫永豐丞歲餘遷刑部主事擢

兵部尋轉吏部至官兩月卒

王有麟

晉江人萬厯甲戌武榜任雙海把總累官至叅
將歸闕戶讀書著有蓄德編百將傳補遺古今

戰守攻周兵法六十卷每曰叨國家厚恩無以
報努力為此書他人用之亦所以報朝廷也

黃克纘

字紹夫晉江人萬厯庚辰進士累官刑部尚書
受神宗顧命有安邦固本大臣之褒熹宗即位

拜工部尚書歲魏瑞崇階石費三十萬瑞又欲取南
畿舊殿廢銅克纘不應瑞怒遂掛冠歸尋起南家宰
致仕卒子道敬戶部員外嘗捐地一百六十餘大築
岸以蓄洩海潮道爵刑部郎中嘗劾巡撫熊大燦升

將趙庭貧懦狀著
有臘燭亭詩集

洪有復

字懋純南安人萬歷庚辰進士知武陵縣時張居正柄國楚人席氣譏斥鹿縣官暴橫邑里有

復截抑之不少資居正卿之張敗摧工科給事中疏中貴人殺人不法事中貴走匿階其黨泣訴于上有復再疏論之竟抵罪補肇慶兵備擢羅定叅政時州邑初建徭撞與民雜處恃眾喜亂有復布以威德皆請隸民籍粵西岑溪徭叛有復從總督陳葉進勦破之以功遷湖廣左布政適稅瑞肆虐同官馮應京被逮有復悉力調停為民請命湘潭獲蘓

李懋檜

字心湖安溪人萬歷庚辰進士守六安陞刑部員外抗言于大司寇讞獄不允者三一則中官

與兵馬司詔獄失出一則臨江守錢若廉罪逮父老詣闕訟冤年皆近百並謫口外一則侍郎洪朝選以

勸遠藩忤張居正指闕撫勞堪希意害死獄中假旨擅殺大臣法不蔽罪大司寇歛容謝之緣是負抗直聲會詔求言上疏陳九事梟梟千言語涉國本請按察司經歷放斥外幕而忠氣愈勵復郵奏安攘大計舉趙文毅全材疏上不報起南兵部主政官至太常卿未及大用而卒

蘓朝陽

字廷鳴南安人萬歷壬午舉人歷柳州懷遠知縣懷遠久年廢邑徭獍雜處官舍廝別居朝陽

單騎入巢諭以禮義築城建邑徭獍雖然聽命盡土鳩工不數月告成易為美俗遷柳州知府刻忠孝二

經頒布

州縣

李廷機

字爾張號九我晉江人隆慶庚午舉北闈第一張居正延之教子辭不就萬歷癸未會試第一

殿試第二累官宮坊侍皇太子講學旋晉祭酒以整齊嚴肅約士曰此高皇帝之訓也今人不守聖訓輒

遠引敷教在寬夫所謂寬者乃多方勞來輔翼欲其自得之謂豈以縱弛哉轉南京吏部侍郎攝戶工二部節縮奇美度置無用之資以葺羅城修孝陵歲省水衡萬餘金或諷以儒臣不宜親俗事曰有俗人無俗事天下國家事何可言俗也時浙人李文政結交近侍廷機告御史寘之法改北京禮部左侍郎時妖書事起捕治甚嚴歸德四明二相不協神宗謂妖書實出江夏手逮訊江夏廷機獨以身保任江夏為之翼輔不避艱險會朝覲神宗在禁中語左右曰此時京官正忙推趙世卿李廷機忠慎恭儉不與外吏接又劄諭內閣有朕知其清謹之語遂以禮部尚書拜東閣大學士未幾致仕歸歿謚文節

李獻可

字克俞同安人萬曆癸未進士授武昌府推官擢戶部給事中值路王之國疏論謨訓宜遵左

右宜選在途無以擾困民在國無以縱敗禮疏入皇太后大怒神宗知其忠謹越日神宗譔宮中疏自袖

陸地囑近侍曰此戶科李某疏勿失也轉禮科給事中甫三日疏請皇長子出閣講學言冊立之典可稍緩諭教之典不可待宜及春孟令禮臣酌定儀注擇吉施行至于輔導尤宜慎選孝弟博聞有道術者疏

入有旨削職罷歸

龔雲致

字潤寰晉江人萬曆癸未進士以御史視釐長蘆時潞府請以彰衛二鹽歸藩府雲致力阻之

故事冬官朝路府行拜門禮雲致移文長史以拜門乃天子之儀不敢陷殿下于失禮王為出朝賜宴及幣一如藩封例出為汝州守僉臬滇中致政歸家卒

劉會

字望海惠安人萬曆癸未進士初知蕭山縣築西興鎮石堤捍海田數千頃民祀于鎮海樓擢御史

疏建儲及請太子講學出巡廣東便宜發賑以錢金置義倉及蒞雲南礦役方興閹黨橫甚會以法持之

卒罷瑞出為江南
參政兩載乞休歸

楊道賓

字荆巖晉江人萬歷丙戌進士殿試第二累官禮部左侍郎充經筵日講記注起居奉命有事

齋宮既請東宮行高曾禮損斥閹豎詞切而直續陳五事曰葆清明平旦之氣以澄聖衷召閣部大臣入

對以決壅塞復章奏批發之規以尊主權慎內批中發之旨以杜羣疑除形迹體面之套以振事功道賓每遇進講盥頰焚香端坐待旦入視部事退邸舍作春秋通鑑講章隨事發明借古為喻卒贈禮部尚書

劉弘寶

字公可晉江人萬歷丙戌進士授庶吉士改戶科給事中疏言中貴恣橫不宜置左右抗章忤

旨得罪諸臣宜急叙錄以振士大夫敢言之氣轉工科都給事中察視水衡錢嘆曰是不數歲糜盡矣時江以西困陶型三吳困機杼徐淮上下瀕河困版築弘寶請陶型無徵奇巧三吳機杼少紓其期瀕河築

溺不得已驅之版築宜厚其值直遂自請外補出為
浙江叅政會有言河水流入淮泗祖陵者坐謫潮陽

典史卒

于家

何喬遠

字穉孝晉江人垂髫即工古文詞萬曆丙戌進
士選比部轉儀部郎時有三王並封之旨喬遠

上恭繹祖訓疏力言震器不可以久虛其議始寢又
疏救言事被譴陳泰來等六人嗣降廣西藩幕假歸

家居幾三十年光宗即位甫八日即有山西典試之

命轉光祿正卿陞通政使屢疏乞休加戶部右侍郎

予告歸後陪推南少司空特旨起用未幾復引年致

仕卒年七十六贈工部尚書學者稱為鏡山先生所

著名山藏闡書何氏集各百餘卷行世子

九雲崇禎癸未進士選庶常有荷墅堂詩

林欲厦

字隆南晉江人萬曆丙戌進士歷任河南魯西
藩臬所至想望丰采陞粵西巡撫時興三殿大

工徵材于黔徵價于粵欲屢上疏以萬死為粵人請命得蒙蠲免粵獠叛服不常設防秋汎佳來戍守邊

關以寧加工

部左侍郎

黃汝良

字名起晉江人萬厯丙戌進士授編修轉南司業移北雍時有國子生為巨璫私人假寢無狀

汝良欲按之挾巨璫書至汝良曰國學四方觀型司成無與中涓通書例如法懲責擢東宮日講官每數引古今隨事披陳東宮喜動顏色進大司成以母老乞歸養疏九上不報天啓初條上十策當事者忌之出為南大宗伯復疏乞歸乙丑起掌詹事疏言楊左諸臣宜加贈卹要典一編亟宜楚燬奏入陞見陳時務八要時朝政操切汝良力言狂狷填溢致干天和遂致政歸所著有河干集水署筆談野紀矇搜樂律志厯朝奏疏諸書

蔣光彥

字九觀晉江人萬曆壬辰進士始為江山令嚴溺女銅婢之禁立追徵便民法捐三千金修治

北新關築九清石梁復造廉溪浮梁入為戶部主事出知溫州擢廣東布政司叅議分守海北海南道時交黎蠡動督餉渡海征之光彥撫勦蕪施黎人畏服議者謂殊類反側難以推誠光彥不肯殺降冒功生忤當事拂衣歸子德璟自有傳德璟給事中

蕪守一

字際受晉江人萬曆壬辰進士初授滋陽令補儀真舊例儀行鹽稅瑞給單抽掣迨單發捆載

遺鹽官督趣之為商民病守一請于當事罷鹽瑞屬其柄于邑令著為例陞戶部主事商人醵金為謝却

勿納轉刑部主事卒

史繼偕

字聯岳晉江人萬曆壬辰進士殿試第二人授編修與同館疏冊立東宮開閣講學不報奉詔

使兩粵蠲軍興諸賦秩滿陞中允由南祭酒轉南少宰兼戶禮工三篆力清鹽庫盜帑之奸從前積弊一為查刷改詹事疏請致仕抵家一載起佐銓部尋入閤辦事時神宗攝疾不出繼偕會廷臣請視朝并力陳備兵措餉諸事不報致政歸熹宗即位復召入閤閏月加太子太保引疾歸卒

丁啓濬

字亨文晉江人萬曆壬辰進士為吏部文選司懷宗即位歷陞刑部侍郎時方治魏黨蘇州織

造太監李實嘗誣周起元周順昌斃獄啓濬會鞠擬大辟懷宗召問寔罪啓濬奏言宗誣害忠良罪不可赦懷宗意欲縱之啓濬執愈堅懷宗大怒詰責啓濬因對曰好生者陛下大德執法者臣子職分乃解尋掛冠歸

林學曾

字省菴晉江人萬曆壬辰進士歷吏部考功郎中疏陳東南水患乞遠法唐克遇宓思謦亟簡

賢才共濟時艱未幾引病乞歸甲寅起太常少卿累陞戶部尚書復致仕歸間業者屢恒滿兩奉旨存問著有讀史抄評潔身亭說及語錄歲銘等集

李叔元

字贊字晉江人萬曆壬辰進士署儀制司篆上冊立冠婚國本疏俱奉俞旨授儀曹郎時議給

鼓鑄採權內璫闔防叔元力爭之歷任湖廣左布政值蜀黔滇三省羽檄旁午轉輸騷動楚人以派夫擾累將激變叔元馳疏十二日至京得旨免派衆始戢有直指興大獄羅織無辜叔元力為辯雪遂乞致仕洪啓睿字訥原南安人萬曆壬辰進士授禮部主事首發沈惟敬之奸疏兵部尚書石星誤國狀復請冊立東宮詞甚激烈切改署儀制時大璫以封爵為請啓睿不允璫卿之及璫負罪始擢祠祭郎中後官至布政使凡請蠲請折請賑疏咸報可庚戌乞休作還山十誓

林欲棟

字仕隆晉江人萬歷乙未進士歷戶部主事司榷吳會差竣還朝值河決河臣侵借餉金百餘

萬兩欲棟按其市籍河臣借數以聞且疏兩河困苦狀求罷礦稅有旨切責河臣擢四川叅政川中多盜每一獄具株連百餘人欲棟鞠其罪當者寘之法餘悉免全活無數以卓異遷湖廣按察轉江西左布政晉光祿卿乞休歸子期昌崇禎丁丑進士

駱日升

惠安人萬歷乙未進士歷江西督學首扶陳際泰羅萬藻章世純艾南英等學者宗之及擢四

川兵備遭土官之變以身殉難朝廷憫其忠贈光祿卿賜祭葬

蔡復一

字敬夫同安人萬歷乙未進士授刑部主事即疏劾石星冒殺平民要功狀御審處死中外憚

之遷兵部武庫郎中出為湖廣叅政分司荆岳時方有事貴州黔撫議勦復一獨言撫不聽坐免起鎮易

州撫治鄖襄黔苗為亂擢兵部侍郎賜尚方劍節制
五省入黔督師斬賊無算苗不敢渡復一議為搗巢
之計會施州兵逃歸不克成功罷免移境上侯代尚
日夜治軍需調兵食勞瘁不輟卒于軍賜祭葬謚清
憲贈尚書有題

卷全集行世

王畿

晉江人萬厯甲午鄉薦第一戊戌進士歷浙江督
學遷左布政直邊警作兵餉繹騷重以尚方機杆

之需畿措處上下咸無困焉及掛冠歸惟以著述為
事初視浙學時拔施邦曜第一邦曜貧不能婚畿為
備聘拜雁子官署是秋邦曜遂登第以
甲申殉節為一代完人朝野服其藻鑑

林夢琦

晉江人萬厯戊戌進士授平湖令以忤上官左
遷贑州學博歷守南安調南寧以平寇功擢粵

西副使會黔變疏請視師躬搗賊壘已復奉檄入
安勦撫二十餘寨黔人勒石祀焉及掛冠歸戶不蔽

風雨絕跡長吏之門死之日親友
醵金治喪司閭董羽生捐地葬之

張維樞

一屏儒屬官入其罪維樞曰殺人媚人可乎竟

脫之遷潮州守有沈寃困于權勢維樞立置之法擢
備兵雲中修邊城營田積穀轉隴右道旋授秦撫逆
瑞煽虐太宰張誠宇以忤瑞追助工銀十萬維樞疏
白之得豁六萬晉少司空致政歸弟維樸天啓乙丑

進士歷禮

部侍郎

呂圖南

南安人萬歷戊戌進士歷官浙江按察使陞左
通政時魏瑞譏方張有監生陸萬靈請祠瑞文

廟李映日等請加九錫封王圖南嚴駁不上懷宗賜
勅有心事峻然宇正不阿之語加右都御史旋改南
京戶部侍郎總督糧儲是時白下苦飢軍士聚覓變
且不測圖南上疏乞留漕糧三十萬不俟俞旨便宜

給發坐件旨歸

著壁觀堂集

黃國鼎

晉江人萬歷戊戌進士以庶常授編修持節冊封楚藩贈遺毫無所受島外紅毛謀互市內地

瑞高案受賄代請國鼎馳書撫軍驅逐之從家居六載起官庶疏辭不受

蔡守愚

同安人萬歷丙戌進士除南京祠祭司主事補北工部主事管易州廠時內官至易州採礦守

愚謂州本無礦民方上供朝廷炭課採辦滋擾必至逃亡將抗疏論之事遂寢陞上川道土官奢崇明安世隆亂作撫按議征而守愚主撫單車諭之皆解散去

張廷拱

字尚宰同安人萬歷辛丑進士歷祠部郎時在朝多依附權璫得貴顯獨廷拱正言讜論非端

人君子不與交崇禎初年以邊材擢僉都御史撫大同召對稱旨有福將之褒復病劇言不及私年六十

五

陳玉輝

字荆碧，惠安人。萬曆辛丑進士，初授吉水令，行取兵部主事，擢御史，轄屯田馬政，單車之任，豪

右欽，手居鄉八載，復起御史，掌大計，風裁嚴峻，書牘不入視事，五月卒。

莊欽鄰

晉江人，萬曆辛丑進士，初為兵部主事，疏軍政積弊，不避權貴，上十大可憂疏，歷轉吏部四司

郎中，以忤魏璫削職，陳宗即援引，直臣累遷戶部左右侍郎，翰林黃道周抗疏言事忤旨，欽鄰上疏論救，旋改南京都御史，掌院事，召為吏部尚書，以母老乞休卒。

林欲楫

晉江人，萬曆丁未進士，選庶常，上國是人心一疏，天啓中，魏璫煽禍，會火災，欲楫陳修省數事

觸忌諱，璫震為璫建祠求撰文，峻拒之，璫義孫有為曹郎者，控撫部務，欲楫發其奸，屏去之，璫敗累遷禮

部尚書掌詹事府事武陵楊嗣昌議增兵餉欲捍抗
言三空四盡之秋不宜以窮民養驕兵尋具民窮兵
譁一疏力指時弊又疏救左都劉宗周諸所
披陳言無不盡前後凡十三疏遂乞休卒

蔡侃

字明標晉江人以儒士登萬歷丙午鄉薦丁未成
進士初授計部守撫州歷粵東督學陞滇南左布

政晉開府擒叛黨總母攝伊巴計
等滇賴以安以母老乞終養卒

廖鵬舉

字孟博晉江人萬歷己酉舉人初令德興歷寧
處同知寧郡當蛟門商舶輻輳鵬舉革去一切

規例庭有質斷引情剖決使自悅服民立祠祀之時
石浦諸衛劇寇稀突樓船數百鵬舉單騎慰諭賊遙
見釋甲而回寇平擢南安郡守南郡壤接長沙流賊
蠢聚鵬舉設伏誘賊發反礮擊之賊不敢窺陞廣西

桂林道年七

十遂卒于官

顧斌

字質夫晉江人萬歷己酉舉人授廣東信宜令民

有十異政之歌邑向輅狼兵多侵冒斌按籍清釐
編伍遂競競守法海賊李魁奇寇吳川當道知斌才
檄治之斌躬屬橐鞬兩次督戰殲其先鋒賊遁去會
省兵誣舟商為盜以邀功斌泣請當道釋數百人攝
電白化州二篆所在攀輿久之遷萬州守峒山黎寇
各相戒不敢犯陞蜀左長史以
母老乞歸所著有信陽練兵記

周爾發

字子祥同安人萬歷庚戌進士初令吳縣歷禮
曹神宗遺詔欲冊鄭妃為后爾發據禮執奏事

遂寢光宗大漸名侍湯藥時爾發方以祠司掌四司
事凡太喪大慶郊祀賓嘉及光宗擇陵燹宗擇婚諸
大禮儀皆綜理無遺及司諫南獄督南糧節制南軍
措置得宜前後凡九賜金六錫命時人榮之終南京

兆丞卒年
五十九

蔡獻臣

同安人萬曆癸丑進士授刑部主事時神宗久不視朝獻臣疏請早定國儲調主職方遷主客

郎再調儀郎冬至冒儀臺省爭班獻臣力執舊典復論楚藩假子忤右宗伯意宗伯遽罷深啣之已又疏請福藩之國鄭貴妃志甚夜發內使執之獻臣不為屈旦入對據舊典力爭神宗嘉其直遣出外叅藩常鎮旋加湖廣臬長有為宗伯修憾者借楚事劾之罷歸百姓遮留立祠尸祝尋起浙江海道及本省督學天啓時擢南太常為瑞所誣削籍

何變

字中理晉江人萬曆乙卯舉人任靈川桂東令陞亳州知州崇禎中流寇土賊交訐飢薦海至百姓

十僅存一變儲備賑飢全活甚衆甫三日而齊寇豫寇復東西至變統兵力戰于盧家廟民爭致死擒賊首李忠常顯岳殺之剗其腸以示衆賊潰隨招撫李龍房應魁等萬餘衆河西平未幾聞賊轉熾陷名城

數十窺堅守孤城擐甲胄晝夜不辭賊逼城下雲梯蟻集城陷被執賊甘言餌降窺強立不屈大罵曰吾頭可斷不可辱也賊斷其足罵益疾復割其胸旋罵旋割仰天呼太祖者三賊衆有泣下者嘆曰好烈漢磔死懸其首于市三日
耳鼻皆動賊相顧驚愕

蘓茂杓

字宏濟晉江人萬歷戊午舉人授封邱令值賊

揭索設粥賑之存活無算復委攝杞縣篆聞賊攻汴遊騎至杞吏民驚惶欲潰茂杓厲聲曰我關中義勇男子豈避賊者要與城俱碎耳日夜嚴守賊引去尋遣佐汴守署府篆賊復大舉圍汴汴水決賊衆乘筏蟻進茂杓度不免躍水死

粘洪錄

晉江人萬歷戊午舉人授浦江令俄解組歸衣索蕭然立講壇諸生執經甚多子本盛崇禎已

卿舉人掌戶垣有鹽法
鼓鑄驛傳銓政諸疏

莊際昌

晉江人萬曆己未會試殿試俱第一以修撰充
經筵展書起居注時魏璫煽虛際昌投事未數
日即乞差歸丙寅秋當復命會修三朝要典璫然曰
是固欲以國史為刑書乎無何為魏璫所扼奪璫誅
起原官歷陞春坊庶子數召對東筆記言漏盡入侍
率二鼓方罷際昌赴召時途中得末疾用是因慙竟
卒

劉鱗長

晉江人萬曆己未進士授工部主事值犖門及
睿皇之役時中貴浮揭白玉石工至三十萬鱗

長以六千金竣事復以保橋運石揭至四十萬鱗長
議從橋下搜運費可萬金忤魏璫意削職歸崇禎登
極復原官司節鎮庫一時臺省侵權擅行支放鱗長
力折之坐累謫作巴陵適大宗伯孫慎行倡道東南

鱗長師事馬轉南戶曹旋視兩浙學政所拔皆知名士至今人頌公明終西蜀參藩卒于官

曾化龍

晉江人萬歷已未進士累擢僉都御史巡撫登萊甲申闖寇陷都門土寇擁偽黨圍膠城遂破

高密化龍內修戰備外却賊寇解膠州圍復高密城計擒偽官十六員寘之法遂散遣賊衆招結義勇活

民命甚衆未幾棄官歸著易醒解行世

葉成章

字國文同安人萬歷已未進士初令長洲以廉能召試御史獻直言有培元氣慰忠魂諸疏按

宣大兼學政陳邊防十策差按江右陸辭日有聖度宜優詢謀宜廣疏及行部則飭聞規以覓名俊禮名紳以講聖學捐贖錢以賑飢民境內肅然督學應天士習文體一軌于正遷大理卿以忤權璫削職家居

二年
辛

范方

字介卿同安人博學善屬文天啓辛酉解元授助教累文以自給遷戶部主事晉員外郎流賊李自

成陷京師方被繫不屈死之

蔣德璟

晉江人天啓壬戌進士館選第一黃道周以參糾楊嗣昌奪情事詔逮廷杖及馬思理葉秀等

以救道周下法司拷問德璟力周旋之每痛朝事日非寔心匡救正宮帷之名分禁伐採之濫規又疏勸陵不宜多帶官兵黃冠不宜陪祝太學撤內操覈要典諸大政皆碩畫名言尋入閣辦事時懷宗精勤宵旰漏下三四鼓屢傳宣密旨月數十次總憲劉宗周素著清操以救言官熊開元等過激詔下刑部擬罪在廷力救不能得德璟堅持不發封還原旨舉唐太宗與魏徵君仁臣直故事伸辯得免南樞臣請糧多濫德璟覆言江南軍糧原有定額向以所解南糧一百二十萬餘石養二十萬之軍不患不足今軍不滿

八萬而糧不敷必有改折那借情弊又力駁用鈔一事前後萬餘言至以聚斂小人責興事者既忤旨遂

連章乞散

骨卒于家

鄭之鉉

晉江人博通經史天啓壬戌進士選庶常授簡討預纂神宗實錄時瑞龍熾甚之鉉投紱歸居

家五載于後愈多所獎進旋轉宮贊冊封岷藩既竣事以思母馳歸卒于莆

汪景宋

字光序立信十二世孫立信殉難于建康子應麟應鴻奉母康氏扈從楊太后及幼主奔泉州

應麟後歸婺源應鴻居忠安景宋天啓甲子鄉薦後

改名宗明由仙遊教諭陞國子學正轉都察院司務

調戶部主事委管太倉庫秩滿庫有羨銀八千餘兩

皆造冊奏繳轉員外差往河南解餉十萬整飭軍前

陞郎中出知處州山寇衛連城作亂破宣平縣檄溫

州卒共討平之在任一年囊空如洗母歿士民投匭

助以歸櫬甲申聞變慟憤欲絕日夜哀經不解念父已八十乃歸奉父避居故里閏月父沒喪葬畢即痛哭曰吾之未即死者以父在也今吾事畢矣遂赴後埔井而殞仲子載亦從死

黃景昉

字東崖晉江人天啓乙丑進士選庶常時逆瑞肆橫御史吳裕中以言事忤瑞意杖闕下比毀

景昉割俸贖之乃假歸戊辰授編修纂修熹宗實錄轉中允充日講官會召對因奏近日考選未協公道推官成勇朱天麟廉能素著不獲清華選刑部尚書鄭三俊四朝老臣一生清德以誑誤繫獄乞從寬宥後與蔣德璟同日入相尋乞假歸所著有甌安館詩文集

周廷鑰

字苕公晉江人天啓乙丑進士授鎮江推官擢吏部歷考功稽勲文選員外以題革內監冠軍

及疏馭陳啓新請廢科目忤旨謫外廷鑰即引罪歸年六十卒有詩集行世

吳載鰲

字大車晉江人性至孝母病衣不解帶既卒親負土葬於維江風雨夜歸有神燈翼之天啓乙

丑成進士逆瑞慕其名欲以鼎甲許之不就戊辰入對以忤權貴謫浙臬幕陞金華司李平反冤獄馬文

紹等九十餘人嘉湖軍旗之亂以片言論止之後官至兵備僉事卒於家所著有宙書咫聞十餘種

趙元有

晉江人天啓丁卯鄉薦授湖廣黃陂令邑屢被寇災傷殘破至則招集流亡置倉賑卹癸未春

張獻忠遣哨至城下索印死守不與力盡援絕被執羈之岐亭哨以高官曰吾世受國恩肯作賊官耶拾土題詩壁上已復罵賊怒支解以死陂人無不號泣共拾殘骸葬之

王忠孝

字長儒惠安人崇禎戊辰進士授戶部主事時朝議欲輸外儲寔京師忠孝督運大通橋日三萬石督薊儲內

監鄧希詔數以難事相窘欲自置兵設餉忠孝曰升斗皆官安得餉希詔曰餉司能保無額外征耶忠孝正色曰吾戴吾

頭來豈以吾頭易升斗哉希詔啣之遂撫其未竟過
米疏論之逮入獄抗詞無撓獄上擬戍以甲申變歸

吳逢翔

字田年晉江人崇禎戊辰進士授歸善令歷刑
部清吏司員外出知金華府汀人種藍金華與

浙人交訟捕之急遂集藍客為亂當事移師欲勦之
遂翔躬馳至賊壘諭以禍福賊叩頭出迎逢翔請于
當事誅首惡籍脅從者四千餘人
悉貸之還泰政遂告歸年八十卒

莊鼇獻

字任公晉江人崇禎辛未進士選庶吉士改兵科給事中上
太平十二策首格君心開言路終以折獄用刑謂中州為形

勢之區今秦晉蠢動以此為淵藪必有跋扈之雄藉以釀亂者及
今不創禍將無及又謂番甲之設本以緝奸盜非以網縶紳中使
非有龍韜豹畧何故委以監紀重任語多激切疏入謫判
杭州黃道周贈詩云當年稽首十二策我遠不及莊任公

陳洪謐

字默菴晉江人崇禎辛未進士授戶部主事管北新鈔關常
例悉除去掌南京水兌衛軍仰給漕糧剔弊稽實商民祠而

祀馬遷員外郎出守蕪州蕪賦役煩劇洪謐一釐宿弊蕪人歲免
數千金時羽書交馳洪謐雖答不用終歲不羈一人時稱慈母

謝有大

字受謙晉江人崇禎癸酉舉人為縣師令吏有
侵民一錢者必置之法以忤上官歸年九十一

蔡道憲

字元白晉江人崇禎丁丑進士授滇南司李改
授長沙癸未五月張獻忠陷武昌七月陷岳州

遂逼長沙重臣大帥皆遁去道憲獨誓死固守有尹
先民者夙稱名弁因結之以衛民賊至尹竟降道憲
力不能支乃懸衣冠北向泣拜俄為賊所執獻忠降
階語曰我素知公公勿自苦道憲厲聲怒罵賊釋而
又縛者三乃遣先民說之道憲怒曰朝廷何負爾而
反賜其齒流血復數賊罪大罵賊知終不可屈遂磔
之道憲從容就戮賊左右皆為流涕氣垂絕猶作念
恨聲賊問何恨曰恨不殺先民耳心血直溅賊面賊
為昏仆久之死年二十九衛卒林國俊李師孔陳賢
等九人皆立不去賊諭降不屈皆殺之自一至五引

頸受刑四年忽起曰願葬主而後死賊義之于是四人解衣裹道憲體血肉狼藉點血在地皆拭之瘞于

南城外醴陵陂葬畢皆自經死賊乃併焚九人

于頃側十七年贈太僕寺少卿廕一子入監

蔡肱明

字靖公晉江人崇禎庚辰進士以召對稱旨擢兵部職方司陞四川威茂道甲申變作有奸猾

擁衆逼肱明解印納款肱明以頭觸柱血注地瞋目罵曰吾死則死耳豈為汝不義屈衆方解散肱明移

檄松藩副總兵朱化龍救援與蜀人歃血而誓方列陣化龍稍却肱明厲聲曰丈夫當馬革裹屍何却為

能化龍請肱明計事肱明偕胞兄往化龍以劍砍案大呼曰汝書生何能為能從我乎不然齒此劍肱明

厲聲肆罵與兄俱遇害
一家三十二人同日死

張朝經

字青武晉江人崇禎庚辰進士授職方主事抗疏清核京衛冒糧十餘萬陞郎中歷江西參政

時郡北有天井窩賊所盤據民遭荼毒歷任監司勦撫不下朝經單騎抵穴開諭盜盡解甲陞雲南督學

民為之攀輿因留任尋

撫虔州後歸以病卒

盧若騰

字牧洲同安人崇禎庚辰進士御試名對稱旨授兵部主事時閭臣楊嗣昌督師湖廣作佛事

祈福若騰疏叅嗣昌不能討賊止圖佞佛時論壯之後歸隱海濱卒同時有沈佺期許吉燦俱癸未進士

隱居不出

勵節以終

郭符甲

晉江人崇禎癸未進士甲申後建寧兵變符甲身被數創絕粒不死抵永春上塲自經死時有

義丐負其頭顱髮

滿瘞于山麓云

國朝

洪承疇

字彥演南安人明萬曆丙辰進士歷官三邊總制歸命本朝值闖賊陷燕京承疇從大兵入

燕莧平禍亂

王師下江南復命承疇駐節江寧綏

輯之偽將孫可望等據湖南永疇以閩部經畧五省

事既入楚乃分鎮要地聞屯田備糗糧修城垣設水

師為持久計又以取雲貴必先復廣西乃設二鎮以

桂林蒼梧相為犄角常德告警提長沙兵至衡州抵

寶慶以分賊勢召荆澧兵夜趨常德敗之以捷聞因

疏雲貴可取狀三道會師所至宣本朝戚德兵不

血刃望風降附入貴州定其地再舉入雲南李定國

等迎戰大破之遂乞休還京論功授三等阿達哈哈

番世襲康熙四年辛賜奠京師謚文襄子士銘順

治乙未進士

歷官太常卿

黃熙胤

字維敬晉江人明崇禎中進士順治初擢御史
歷兵部侍郎持節從貝勒招撫福建熙胤啓具

勒廣布德意市肆不驚轉
刑部侍郎年七十八卒

黃徽胤

字言臣晉江人明崇禎中進士順治初擢御史
出按江右時聞寇餘孽流毒郡邑徽胤以二百

餘騎殲其渠魁所得輜重悉酬將
士擢太僕卿歷官左司馬乞休卒

黃志遼

字銓士熙胤子順治丙戌進士選庶常累遷侍
讀學士晉少詹事出為湖廣左布政時經畧洪

承疇督兵定雲貴師旅雲集軍需糧儲
志遼咄嗟立應薦為卓異丁內艱歸卒

黃中通

字睿夫晉江人順治己丑進士隨征粵西授太
平知府調永州永為滇黔門戶中通措餉給軍

軍興無缺歷貴州左布政使黔經兵亂後冊籍焚燬
中通準賦役成書經畫財賦公私便之是秋大兵渡
瀘來價騰湧復請以倉儲與民和
羅民賴以安遷廣西按察使卒

吳愈聖

字用退晉江人順治壬辰進士歷官戶部郎中擢禮科給事中多建白闔鹽商網利為害愈聖

具疏特奏蠲政以平又計偕者多以糧累阻其入關愈聖疏辨得白士林賴之以假歸卒于官

王命岳

字伯咨晉江人順治乙未進士授庶吉士改工科歷戶兵二科所條上吏治樞政漕弊興屯救

荒及密陳靖海疏皆軍國大計遷刑科都給事中後卒于家

富鴻基

字盤伯晉江人順治戊戌進士選庶常擢第一甲寅耿逆變起編修李光地遣家人馳

蠟書至京師疏賊情形可取狀時論以人自賊中來慮有他變弗敢以聞鴻基獨毅然曰孤臣效忠為

國家東南半壁計吾遲恤其他以顧身家哉即詣闕代奏上大悅命鴻基持光地奏遍示滿漢諸

大臣隨擢禮部右侍郎已未壬戌兩知貢舉鎖院積弊為之一清後乞假歸卒年七十二

陳龍巖

字元瞻惠安人順治間以貢授石阡鄧推歷思南知府丁內艱歸起補江寧滁宿弊革陋規事

無巨細悉自裁斷民有骨肉訟計者以孝弟勸諭之皆感悟自新卒于官櫬歸日父老環集水西門號泣

攀送

李日烺

字省甫安溪人為邑諸生兼習韜畧值逆藩海寇交訐泉郡四面皆賊日烺與從子光地議以

蠟九密奏賊情形式詳光地傳賊帥劉國軒圍泉日烺請于將軍喇哈達自為鄉導溯北溪踰石砵嶺出

安溪進攻別追從子光垵光垵導巡撫吳興祚師由仙遊踰白錫嶺出永春來會賊聞遁去泉郡以全隨

詣都陳平海五策悉見嘉納署福建水師總統平厦門金門兩島降賊將吳國俊特旨授邵協副

將調任臺灣安平鎮鄭氏餘孽陳辛倡亂三十六社應之日烺率五百人收捕辛蒲伏歸命海外帖然擢

永州鎮總兵官宣布朝廷威德猛獍服以年老乞休歸輯性理諸書以進御書方重淳深四字褒之年九十卒光垲以功授通判光垲左都督

李光地

字晉卿安溪人康熙庚戌進士選庶常授翰林院編修以親老假歸未數月耿逆變作沿海巨

寇復乘間竊發光地晦迹深山密疏言逆必敗眾為蠟丸遣僕間道抵京因同里學士富鴻基以聞上覽

疏動容嘉嘆大師入關詔定閩將軍護其家擢侍讀學士趨赴闕以父喪奔歸漳泉間寇起有白

頭賊蔡寅者聚眾二萬圍安溪城幾陷光地乃啓康親王乞背糧募鄉勇據險防禦絕賊糧道賊窘潰圍

去越明年臺灣道寇鄭克塽復圍泉州屬邑皆不守郡城援絕光地遣人分道請師陰戒僕人潛從水關

入城語守者曰胞之救兵至矣出寧海將軍印信絹書示之城巾歡躍始有同志俄而巡撫吳興祚提兵

南下寧海將軍亦自漳平進發光地率鄉里具牛酒
犒軍分兩翼夾擊賊退郡邑以寧捷聞晉秩時厦門
雖平臺灣尚為寇踞朝廷將命將出師搗其巢穴
會光地服闋入朝召對獻言賊魁已死子幼將
驕事權無統乘隙可破舉內大臣伯施琅習海上情
形有智畧可用謀畫多稱上旨遂平海外自是
春遇日隆陞陞翰林掌院學士通政使兵部右侍郎
提督順天學政以內艱解任旋復原官就補工部侍
郎先是都人士拘俗學通經力古者少光地論生童
有能諷三經及古文百篇以上者稍有文藝並加擢
拔士風以振尋改兵部侍郎兼副都御史巡撫北直
隸奉命築子牙隄以障漳滏開柳塗以平桑乾不
踰期巨浸悉為沃壤又捐馬廠熟土及紅剝船田畝
以業窮甿民受其利蒞任七載以中正和易率屬文
武各盡其才擢吏部尚書巡撫如故尋拜文淵閣大
學士時海宇寧謐上留心經籍光地以耆碩特被

顧問 御製朱子全書周易折中及性理精義等
書皆承 旨纂修嘗自言晚年學問始進得力於

聖訓居多既以面陳乞骸得 旨暫聽給假歸里復
趣還 朝未幾卒於京 賜葬祭謚文貞光地少好

讀書至老不倦為丈根極理要卒未已其典禮聞所
得多知名士居政府十餘年推賢進能惟恐不及遭

逢 聖主異數頻加蓋
極一德一心之盛云

萬正色

號中華晉江人由行伍累遷至興安州遊擊康
熙十二年吳三桂反正色率所部從軍討逆計

取朝天關剋復廣元縣策破保寧府累立戰功擢岳
州水師總兵官 陞見 賜鞍馬盔甲 賜宴 賜

帑金祇受廟謨抵岳身先諸軍據蘆蓆口過柳木嘴
襲砍木橋以破逆險嘗壅君山以扼逆吭決勝駝河

夾磊石瀟埤鎮諸處前後十七戰兵無頗刃又遣義
士魏士曾用死間計殺逆魁杜輝等剪其羽翼絕其

糧道常德長沙諸郡以次削平吳逆授首時海寇猶肆陸梁朝廷以正色閩人熟惠海上情形加太子少保提督福建水師值總督姚啓聖銳意平海正色親統四鎮弁兵恢復海澄金門廈門招撫降附禁戢諸軍四民安堵官終福建陸路提督

施琅

字琢公晉江人初任同安總兵累功進爵內大臣伯海寇鄭成功世踞臺灣沿海諸省悉受其害康

熙十二年朝命琅與閩督姚啓聖會勦琅訓練舟師先發由銅山直抵澎湖澎湖為臺灣門戶賊精銳悉在環設砲城星羅碁布琅先令偏將銜鋒破浪駕小舟潛偵賊寨形勢乃分舟師為八隊每隊七舟自統一隊居中又分餘舟截賊歸路值南風正急將士賈勇而前矢交攻賊艘被焚覆溺投水者無算遂破澎湖賊勢蹙納土乞降琅親臨臺地藉圖書府庫撫人民卹死喪復具疏奏陳臺灣棄留利害議設郡縣

防守 詔報可海外悉平封琅靖海將軍靖海侯予
世襲仍管福建水師提督事值歲凶平饑賑卹全活
百萬戶又捐俸重修 文廟規制一新尋卒
賜謚哀壯祀福州道山特祠詳見臺灣名宦

施世綸

字文賢琅仲子以廕知泰州殫心職業時開河
經理大臣至泰從官某強州民已受聘女為妻

世綸持之急立還諸民餘衆咸遵約束其後援勦兵
過境聞其威名相戒歛戢康熙二十八年春 上南
巡世綸以廉能擢揚州知府揚州古繁華地世綸嚴
禁四民之舍業蕩游者俗尚一變值泰州飢被檄往
賑力請興役修范公堤民藉力作以糊口全活甚衆
調知江寧丁外艱歸士民籲留不得人投一錢以贖
却之乃建亭于署左右名曰一文亭服未闋 特簡
蘇州知府辭不赴既除服即家授淮徐道擢湖南布
政使改安徽陞太僕寺卿以誼誤去官未兩月起順
天府尹兼副都御史令行禁止畿輔肅然擢戶部侍

郎督理錢法倉塲明察詳慎宿弊一清尋擢漕運總督禁需索却供具占風候測水勢通阻碍懲逗遛漕政次第畢舉陝西飢被命賑濟設運載之法立贍給之方窮簷僻壤澤無弗施歸日西人攀送道為之軋以治河勞瘁卒下官賜葬祭世綸性警敏勤於蒞事聽斷訟獄摘發如神他郡邑有疑案不決者輒移鞠之有州牧游歷大吏清白自持始終一節江泰淮陽並祀馬著有南堂集八卷奏疏詞賦詩鈔若干卷

福建通志卷四十五